

增訂痘症慈航

增訂痘症慈航

丁巳仲夏
寄學翰
飲井
凶人
募刊

增訂痘症慈航自序

自泰西引痘之法盛行而吾國痘科學不講久矣一遇天行痘疫多傳染
夭亡委之氣數殊可哀已回憶十年前戊申之歲天花痘發吾省城台各
鄉罹是疫者男女死亡之數如恒河沙甚至有滅門絕嗣者尤堪憫惻今
歲又逢天符明年戊午更逢太乙天符勿謂歲運不足憑而可置之度外
也不觀乎入春以來各省痘疫如廣州香港山東杭州徐州揚州及上海
等處皆有發現而吾閩患天花不起者亦多且有已種洋痘而重出者日
有所聞但祝彼蒼悔禍少萌即退不至蔓延則杞憂差慰耳然痛定思痛
而欲使天下赤子無夭殤之患非人人具有知識不可蓋天行之痘非用
昔賢相傳之古方良法必不能起死而回生矧看護之學非病家之婦女
講究亦曷克有濟迺檢明季歐陽氏所著痘症慈航此書根據聶久吾活

幼心法折衷羣言叅以閱歷簡明純正似無庸再增奈流傳世間甚少今欲重刊故不妨再將古今痘書十數種就管見所及手錄而增補之惟是疹厲之氣既危且險必須廣爲傳布或有補蒼生恨綿力單薄未能普及幸承 慈善家贊助以印施之其功德良足多矣蒙世習內科於痘症一門愧未專精還望 海內方家匡所不逮存國粹而保人種當馨香禱祀以求之增訂既竣謹書緣起於簡端

中華民國六年歲次丁巳仲春花朝

福州鄭奮揚肖巖識于袖海廬

時年六十
有九

增訂痘症慈航目錄

● 上卷 原本

諸家學說折衷 二則

辨虛實寒熱 一則

晰氣血盈虛消長之理 一則

初發熱至痘齊數日調治法並方

痘齊起發灌漿調治法並方

漿足至回水結痂調治法並方

兼症補遺方

孕婦出痘論

炮製用藥之法

附紫草考正辨

治痘醫案

● 下卷

新增

運氣論說

四則

先哲格言

七則

名論摘要

六則

預防方法

避忌方法

推拿手法

驚搖瘁法

怪痘須知

異痘形狀

驗方備用

增訂痘症慈航

明歐陽調律原著 郭士珩崑山叅訂

◎諸家學說折衷

治痘之家多矣。劉河間悉用寒涼。偏害非小。至於錢仲陽立方。亦以解毒爲主。而多用寒涼。少用溫補。張潔古王海藏咸宗之。此其意俱本於內經。諸瘍瘡皆屬心火之一言。故以寒涼瀉心火也。厥後陳文中立方力矯其偏。專主溫補。凡痘已出未出之間。悉用十二味異功散。其意歸重於太陰之一經。蓋以手太陰肺主皮毛。足太陰脾主肌肉。肺經惡寒。脾土惡濕。故用丁香官桂以治肺之寒涼。附半夏以治脾之濕。此方用之得當。其效固大。然不分寒熱虛實。而一概用之。則宜於虛寒。不宜於實熱。其偏害又可。知也。朱丹溪解之是矣。至丹溪立論。矯陳氏之偏。而取錢氏之長。主於解

毒和中安表。以爲的當。舉世用之數百年。無有議其失者。余則以爲治他証。丹溪多妙論。至於治痘。則孟浪而未盡其妙。倘亦千慮一失乎。蓋其矯偏於陳氏。而不敢輕用木香桂附等藥。似乎因噎而廢食。其取長於錢氏。而必用芩連牛子之類。以監製參朮朮附補劑。似乎任將而中制。因兵而外監也。其失亦泥於內經諸瘍屬心火之一言。而未透其理也。不知痘疹雖屬心火。却與諸瘍不同。諸瘍之毒。當其初發而未成形。可用藥解散而愈。及至已形而未成膿者。又可用藥逐散而愈。痘毒發自五臟。必借血氣送出於皮膚。運化之而成膿。收結之而成痂。而後收全功也。可解散而愈乎。可未膿而愈乎。故諸瘡以解毒爲主。能解毒於早。則輕。不能解毒於早。則重。痘毒以血氣爲主。血氣能送毒以灌膿。結痂則生。血氣不能送毒以灌膿。結痂則死。解毒之藥多損胃氣。不顧血氣之虧損。而急於解毒。是猶

可見賦稟壯強之重要為母者能可忍之乎飲食減少或渴或浮腫脹手足氣短氣促失聲痘出不快根窠不紅

不慮我兵之強弱而急於殺敵也。蓋毒有必解者。又有不可解者。若小兒賦稟壯實。胃氣好。飲食如常者。其血氣自旺。自能送毒氣以成功。其痘自始至終。多順症。此不必解毒也。若其稟賦素弱。脾胃又弱。出痘之時。飲食又少。或渴或瀉。或腹脹。或手足冷。或氣短促。或失聲。或痘出不快。或根窠不紅活。或色白而頂陷。或當灌膿而不灌膿。當結痂而不結痂。皆由血氣不能送毒氣。此不可解毒者也。當速用溫補。以扶胃氣而助血氣。若用參芪歸朮等。而力不及。即加入丁香木香桂附佐之。亦不為過。又何可參入芩連牛子等涼品。以監制溫補之力。而損氣血乎。所以丹溪未盡其妙者也。丹溪又教人用犀角地黃湯。以解痘毒。後人沿其說。失其初意。因習而用之。以為奇妙。而不知其害。蓋心者血之主。心之所以能主血者。以其屬火也。痘屬心火。正借心火以運用一身之血。而成功。豈其可瀉而去乎。蓋

是皆賦

秉薄利

之所左

氣血不

是之所

致寒涼

之法得

宜乎非

溫補不

是以回

生

攻毒清

並參之

以活氣

血養氣

可見瘡

之皆出

人身之血溫則流行寒則凝滯犀角地黃湯涼心經而瀉心火心經既涼心火既瀉則一身之血俱凝滯不行何以運化毒氣成膿結痂乎故內攻之患作而竟以告斃者瀉心火之藥實殺之而人不知也醫者亦竟不悟也可慨也夫余謂痘已出之後未結痂之前凡一切涼心之藥如犀角地黃湯之類姑禁絕不用待痘結痂後用之解餘毒可也或曰若然則未收結之前毒俱不可解乎曰奚爲不可若其血氣與毒氣俱盛者脈必洪數或初出即帶紫黑或既出而稠密紅紫內則煩悶燥渴小便赤澀大便秘結此則屬實熱宜速用清涼之劑以解毒如大便久秘者量入酒炒大黃微利之可也若其毒氣雖盛而血氣未旺者則以解毒爲主而兼活血養氣參芪歸芍之類亦未可離也臨症時須細心審之

近世痘方多宗黃西邱其書自始至終俱分順逆險而立說其謂順者不

必服藥謂險者宜以保元湯調治。猶近理也。至謂逆者俱不可治。治之徒勞無功。是教人袖手待斃也。其言不仁之甚。此爲俗醫圖利計則甚便。而於救濟生成之術則甚乖也。蓋醫者仁術。聖人以之贊助造物之所不及。所貴扶危救困起死回生耳。若治其易治而棄其難治。何以醫爲。惟俗醫意在圖利。又恐壞名。見有不順者。輒譏棄之。彼誠恐利未必得而徒冒不識症之名。若是仁人君子當爲死裏求生。豈忍坐視其死而不治乎。故曰。西邱之言便於俗醫。而非所以救世也。且其所指逆症多端稠密者多有之。如發熱而驚悸吐瀉。報痘而先發於天庭。司空印堂等處。初出而根窠無暈。既出而色白灰陷。或發水池。或癢塌。或當行漿而不行漿。或痲未落而寒戰咬牙。皆其所謂逆而不治者也。余每治之而得生者多矣。奈何悉謂治之無益而戒人勿治乎。唯初出而形如蠶種。既出而紫黑乾枯者。難

寒在虛

實望問

聞切不

持以見

辨之宜

猜其他

多科且

可忽略

哉

虛有表

虛裡虛

實有表

實裡實

虛則補

實則

以灌漿多不可救耳。然明知救之而不活，亦不忍坐視而不救也。

◎辨寒熱虛實之症

凡治病必先辨明寒熱虛實。望聞問切，無非辨此四者而已。四者了然胸中，則用藥取效，其應如響。四者不能分辨，鮮有不悞者。即或中病而愈，亦幸而偶中也。至於痘症之寒熱虛實，尤爲緊要。辨之不明，多致敗事。何歷代治痘之家，著書立方，互相異同。至于虛實寒熱，多略而不辨，或辨而不明，致令檢方者，漫無下手處，竟不知某症屬虛寒，某症屬實熱，當用某方。則雖千百妙方，千百妙論，無益於用也。無怪乎自古及今，治痘之家，多迷途而慈幼之術，疎也。且痘之虛實寒熱，與諸症之虛實寒熱，固自有辨。諸症有虛者，元氣虛也，宜補之。痘有表虛，有裏虛，亦元氣虛也，宜補之。此其相同者也。諸症有實者，邪氣實也，宜瀉之。痘有表實，有裏實，此則元氣完。

此言六
用寒涼
總之言
之得其
所宜而
施之

固毒氣不能爲害不可瀉亦不必瀉也此其不同者也諸症有虛之甚者
陰有餘而陽不足則寒自虛生宜溫熱之劑補之也痘有虛之甚者亦陰
有餘而陽不足而寒自虛生亦宜溫熱之劑補之也此其相同者也諸症
有寒自外入者外感也當其在表宜發散之久而入裏則鬱爲熱宜清解
之痘出而風寒外襲宜溫而散或外寒入內而爲吐瀉諸症則宜溫之而
已外不可發汗內不可清解也諸症有虛熱者元氣虛精液竭而火從虛
生補之則熱自除不必解熱也痘亦有虛熱者元氣虛而毒氣肆也當以
補元氣爲主而略兼解毒可也三者皆同有不同也諸症有實熱者血氣
未虧而邪氣壅盛單用寒涼之藥瀉之可也痘亦有實熱者稟氣強血氣
盛而毒氣亦盛亦單用清涼解之可也此又其相同者也今自發熱之初
以至還元之後俱先辨痘之虛實寒熱而各立方於後令人細心審症而

戶音靜
疏飲食
大小便
利溼為
醫者之
熱的

後用藥庶不致虛虛而實實乎不致於損不足而補有餘乎不致於以水益寒而以火益熱乎然痘之虛實寒熱較之他瘡尤顯而易察蓋自見點以致結痂其形其色既昭昭然而可觀又聽其聲音觀其靜躁視其飲食之多少大小便之利溼三歲以上切其脈之遲數洪細辨虛實寒熱當於黑白之分明而後用藥取效易矣

◎晰氣血盈虛消長之理

痘瘡全憑氣血以成功而氣血之盈虛消長其理甚微不可不透也蓋氣體天而親上血體地而親下疔之出也其高處之泡氣之位也上也氣宜充焉其四暈根脚血之位也下也血宜附焉泡尖而色白潤是氣尊而居其親上之位也四圍有暈而色紅活是血附而安其親下之分也氣居其尊而血安其分氣血和順而載毒出外此最吉之症可勿藥而愈也頂陷

此後却
係氣虛
不能統
血請者
大宜着
眼

而氣反親下。此氣虧而不能充也。法當補氣。四圍根脚無紅暈。此血虧而不能附也。法當補血。此其理尤易明也。其有通頂紅色成血泡者。血反親上也。此症最險。必不能成漿。至八九日則癢塌而死。然此非獨血盈乃由氣虧而失。其居尊之常。故血得以妄行而僭居其位也。急宜大補其氣。氣充則能統血。血自不得泛溢妄行。而泡轉白矣。世人不識此理。見其泡紅則謬認爲血熱而用涼血行血之劑。致令氣愈虧而斃愈速也。不亦悲乎。故氣血盈虧之理。微妙而難識也。至於調理氣血。其氣獨虛者。固宜專補其氣。而不宜補血。蓋陽不能從陰。陰愈長則陽愈消也。其有血虛者。多由胃氣損傷。元氣不足所致。則補血宜兼補氣。蓋陰必從陽。陽生則陰長也。黃汝言明醫雜著。乃謂血虛而用參。著以補氣。則陽旺而陰血愈消。甚矣其不明於陰陽消長之理。而立此言爲世大害也。余每治婦人產後去血。

過多而發大熱。婦人血虛崩漏而下血不止。以及便血之虛滑者。俱用參
耆。姜附而佐。以血藥與升提藥。皆獲奇效。安得謂血虛不可補氣乎。若小
兒痘瘡。以胃氣爲主。則補血必先補氣。故氣血消長之理。不可不深明也。

◎初發熱至痘出齊數日調治法

大凡調治痘瘡。自發熱之初。見點之時。即當思及如何起發。如何灌漿。如
何收結。一動手。用藥便顧首顧尾。慎其初。以善其後。然後次第調治。可保

萬全也。發熱之初。若身熱和緩。或熱或退。神清氣爽。則不必用藥發汗。但
戒葷禁風調護而已。不必服藥。蓋痘有順而不必治者。不輕治。即所以治
之也。其或憎寒壯熱。頭痛咳嗽。鼻流清涕者。多因外感。不可不發散也。當

視其強弱。用藥發散。見體質壯實者。用加味升麻葛根湯。微汗之。體質怯
弱者。宜用加味參蘇飲汗之。然皆不可出汗太多。恐慮其表。後難起脹。灌

可過暖
心不可寒

適中不
過度宜

折宜溫
暖而不可
稍寒痘

敗毒散
連翹 羌活

通 梗 枳 朮

紫 山 參

麻 前 胡

麥

方

漿也。然此二方。即外感而非痘。服之亦無妨。

或發汗之後。身熱不退者。且勿峻攻。姑少待之。其或煩悶燥渴而妄語者。用敗毒和中散清之。大便秘者。加酒炒大黃微利之。不秘不加服。之後覺煩燥少解。即止勿服。聽其痘出外。而中自安。切不可輕用傷寒症。柴胡黃芩花粉等清解之。此藥若用差一劑。則解虛其表。至七八日漿必不行。雖極力補助。莫能救療。至焦枯癢塌而死者多矣。蓋痘以裏爲根。以表爲基。一虛其表。是猶築室而圯其基也。是以治痘與治傷寒異也。近世管舜著書。不知此理。而首以發表解熱爲說。豈痘可與傷寒同治乎。惑世誤人。爲害甚大。姑舉其一。以闡其餘。

或有腹痛腰痛而煩悶者。此其毒氣沉重。亦當用敗毒和中散主之。大便秘加酒炒大黃微利之。聽其毒出外。而內痛自止。然後視其痘或稠密。或

紅紫或帶黑。方議解毒可也。切不可純用寒涼以阻遏其毒。出之勢。立至內攻。告變。世人不知此理。純用寒涼解毒。或用硝黃峻下。因而速斃。而卒不悟。可慨也夫。

當時令出痘時。小兒或有發熱稍緩。其熱或作或止。或紅點。或未見紅點。或微見而未明。或是出痘。或非出痘。正在疑似之間。當此之時。不如且勿服藥。以待其定。但禁風戒葷而已。所謂不輕治。正所以深治之也。有等富貴之家。愛惜太重。見其如此。屢投以清涼解毒之劑。不知若是痘症。則其毒氣發於五臟。勃勃欲出於外。其勢決不可阻遏。倘用清涼阻遏其勢。即所以迫之內攻。而速禍矣。故犯此者。多出痘日煩燥驚搐而死。此解毒之藥害之也。正如寇在宮牆之中。不逐其出外。反阻其出路。圍而攻之。室中之人。有不遭其殘害者乎。然醫者曰。吾用解毒之藥。何至於殺人。既不自

解毒於
既出之
後濕散
於未出
之前

任其咎。病家曰：彼用解毒之藥，何至於殺人？亦不歸咎於醫，殺人于冥冥之中而已。不悟也。人不知也。噫！良可悲也。余故表而出之，以戒夫世之愛而反害者。

語曰：久暗者毒必厚。痘毒稟於胎元，伏於五臟，其輕者無論，其重者深藏久蓄，不爲不厚矣。一旦觸發於忽然之頃，其勢猛銳，斷不可禦。是以必借血氣載毒出外，成漿結痂，然後毒散而功成。此病機亦化機也。此豈若諸瘡之毒，可以驟然而解散者乎？故解之於既出之後，是順其欲散之勢，猶爲近。解之於未出之先，是遏其猛銳欲出之勢，其禍甚速，如水勢排山而欲捧土塞之。有是理乎？自古治痘之家，其卑者固不足道，其高者亦未深悟其理。每於發熱之初，欲出未出之際，輒以解毒爲主。且曰：服其藥則毒可解而痘必稀。不知痘之稀由其初受毒之輕耳。豈將出之時，所能驟

解乎。致啟後之庸醫。訛以承訛。見痘將出之時。毒氣盛熾。則多用涼藥以解之。或妄下以解之。彼自以爲對症之妙藥。而不知反致內攻之奇禍。至於殺人而終不悟。前覆而後不解。其禍又無窮也。余觀近世庸醫。多犯此失。以致童幼數日。而斃者甚多。則皆茫然委於症惡難救。而舉世莫覺其致此之由。殊可矜也。故不得不發明其理。以救將來。

◎初發熱辨症用藥諸法

有發熱之初。偶感風寒。飲食停澁。而腹痛者。用加味升消平胃散一劑。其痛立止。然停食作腹痛。與毒氣作腹痛。其症不同。停食腹痛者。其痛必急。疾而叫啼。必甚。多在臍之上。而面必清白。唇淡。手足冷。升消平胃散主之。毒氣作腹痛者。痛稍延緩。而有作有止。多在臍以下。或連腰而痛。面紅。而唇紫。手足不冷。敗毒和中散主之。

有受寒
停滯而
吐瀉者

有胃氣

弱而寒

吐瀉者

有脾弱

而吐者

有毒入

而吐瀉

者同一

吐瀉而

未效不

同為醫

者不可

不為之

深辨

一發熱之初有嘔吐有泄瀉交作者全要辨虛實寒熱而用藥

或吐瀉交作而胸腹痛甚者此感寒而停食也仍用升消平胃散主之一

服立效。

或胃氣弱而有寒嘔吐不思飲食或食下即吐其吐必順快而無聲面必

清白唇必淡精神必倦怠宜用加味參砂和胃散主之

或脾氣弱飲食不化而泄瀉其泄必滑利而色帶白宜用朮苓調脾散主

之。

或有毒氣作吐瀉者其吐必酸刺而有聲神氣不甚困倦其瀉必黃色而

穢臭雖或吐瀉交作胸腹多不痛此則毒氣由吐瀉而發洩所謂吐瀉為

順候而不必止者惟此一症耳若虛寒吐瀉與此迥異者多矣張潔古等

乃謂痘前一概吐瀉慎勿亂治而多吉並不分虛實寒熱何其孟浪之甚

耶。

身熱至二三日。痘欲出不出。或煩悶驚搐。或狂言妄語。切不可驚惶失措。須詳審虛實寒熱而治之。要之此等症皆由毒氣在內。不得宣發於外。然毒氣不得宣發。症有不同。不可不辨。

下俱諸
證俱皆
實火為

有毒氣壅盛於內。不得驟發於外。而驚搐狂燥。其症痘影必紅紫。面赤唇紫。聲音亮。口氣粗。手足熱。脈洪數。此毒氣壅盛也。宜用清解散宣之。

患被風

有內毒本盛而外。為風寒所束。鬱滯不得出。而驚搐狂躁者。其形色多同。

寒所伏
並出而

前。但聲重鼻塞。或鼻涕。脈浮數。此毒氣為風寒所束。然此多在寒涼之月。

不得出

或不禁風寒者。然後有之。宜以蘇解散發之。

此切忌

有氣血虛弱。送毒不出。而驚搐狂躁者。其痘影淡淡在皮下。不見紅活。唇

寒涼易

淡面白。或青。脈又遲緩。雖煩躁驚狂譫語。亦是氣血虛而送毒不出也。宜

雖驚搖而狂跡而其見證脈證乃血氣虛透送無力也治宜溫補助以外透始有得之之可能若柳之以寒涼則禍踵死而矣已

用溫中益氣託之以上三者最宜精詳。觀形察色。審音問痘。又參之以脈。然後可以辨別明白。而用藥當一劑之後痘出而驚狂定矣。昔人謂痘未出之前驚搖爲順者。不必治。豈其然乎。

又兒欲出痘。有發熱二三日。全無痘點形影。而忽然驚搖狂躁。狀與急驚風相似者。此亦毒氣壅盛。不能宣發所致。宜用清解散宣之。痘出而驚即定矣。若醫者不知是痘而誤作急驚風施治。或以寒涼藥投之。或以攻痰藥下之。其兒必死。何者。阻遏其毒。使不得出而內攻也。故未出痘之兒。若遇此等症。即當驚疑。恐是出痘。

又有發熱稍輕三四日而痘常隱隱不出者。最要詳審。不可概認爲毒輕痘少。若發熱和緩。精神清爽。飲食如常。出痘少而點數明。顆粒尖。漸漸長大紅活。此謂毒輕痘少無疑矣。若身熱雖輕。至三四日而倦怠嗜臥。不思

痘未出
而急於
解毒為
片善事
一罪人

飲食所出之痘形影淡白點粒不明此非毒輕痘少亦是氣血虛弱送毒不出也急用溫中益氣湯以托之甚者必連二三劑痘始出齊其痘必多若因其安靜而袖手玩視不急托痘出外延至五六日後毒氣內攻須臾告變甚可畏也則昔人熱輕痘少之說可盡信乎而六日以前痘未出齊勿用溫補之說可盡拘乎自有方書以來其時不啻二千年其人不啻數百家然皆詳於已出之後略於未出之先深言出速稠密之危不言留中不出之禍不知已出之毒外寇也未出之毒內寇也內寇與外寇勢孰急內寇與外寇禍孰烈故痘已出而死者多在旬日之內外痘未出而死者多在六日之中徒知逐外寇而不知禦內寇自古以來諸賢之為計疏也然其失計安在惟在痘未出而急於解毒緩於逐毒也不知未出之痘說已見前但當急急逐之出外而已余深明其理而明鑒其失願長慮却思

爲未出以前諸症設法。明辨其虛實寒熱以施治。實熱者宣發其壅滯以逐毒。出外虛寒者補助其氣血以逐毒。出外至於急用寒涼遏毒內攻等弊。則諄諄致戒。不憚再三。一以救前哲之失。一以開後人之迷。雖岐黃復起。不易吾言矣。

一發熱至三四日。報痘形如粟米。口鼻腮耳年壽之間。先發數點。淡紅潤澤者最吉。若身熱一二月即出。先發於天庭司空印堂等處者。或一齊湧出而稠密者。或乾枯而紫黑者。或成片不分顆粒者。皆血氣凝滯而毒氣肆行。最爲可憂。急宜活血養氣而解毒。宜用調元化毒湯主之。腹痛去參。著加枳殼八分。大便久祕者。參著不用。加熟軍一錢五分。若血氣與毒氣俱旺。而脈洪數者。歸芍減三之一。去參著不用。

若痘出不快者。其症不同。最宜分別。有痘色紅紫乾枯。或密如蠶種。或一

片不分顆粒。身熱大便秘。而出不快者。此毒氣壅塞。血氣不行也。宜用調元化毒湯。去參著。加小川芎清之。

或有痘色淡白。飲食減少。身冷手足冷。小便清。大便滑。而出不快者。此氣血怯弱。不能載毒出外也。宜用溫中益氣湯以托之。

有鼻塞聲重。咳嗽惡寒。而出不快者。風寒閉之也。宜加減參蘇飲以發散之。但不可出汗。

或有因邪穢所觸。伏陷。而出不快者。其痘必癢。宜平和湯解之。外用蒼朮紅棗沉檀燒之。以辟其氣。

痘正出時。有忽傳風眼。直視牙關緊者。此調護不謹。而外爲風寒所襲也。且勿輕用驅風峻藥。宜用蓋附湯。白附子二錢。此藥毒重不可輕用。以製附片。或肉桂代之可也。老薑二錢。煎濃溫服。出微汗自愈。

痘正出時。以身微溫不熱不寒者爲佳。或輕熱和緩者亦無妨。惟大熱者可憂。若出齊而發大熱尤可憂。其痘必稠密必紅紫必乾枯。宜用調元化毒湯去參耆主之。看痘出齊與否。以足心爲驗。足心有痘則出齊矣。若痘稀者不以此拘。

食肉不可太早。必待痘出齊而身熱盡退。方可食豬肉。若身熱未退而遽食肉。以助火邪。必成大害。鷄肉首尾俱不可食。惟起脹時虛弱者可食。以助行漿。壯盛者仍宜忌之。諸魚皆腥。牛羊皆羶。痘家最忌。所宜禁絕。

◎初發熱至痘出齊調治方

加味升麻葛根湯

粉葛根一錢 升麻六分 甘草三分 桔梗三分 牛蒡子五分 赤芍六分 蘇葉五分

川芎四分 炒查肉六分 生薑引熱服微汗○此方加荊芥六分 防風六分

前胡 一錢五分

小兒初發熱者服一劑則痘必現紅點即非痘症服之。

亦可退熱。癩症初起亦宜服此方。虛弱者荊芥防風不加亦可。

催痘出齊方

玉竹力量最薄須用三錢方可生著亦宜稍加

生玉竹 一錢 前胡 一錢 川芎 八分 桔梗 八分 生綿

著 一錢 防風 一錢 歸身 一錢

甘草 五分 蟬退 去頭足五枚

炒查肉 五分 凡小兒已服

前方痘已現紅點而通身不出齊者急宜服此方即通身已出齊而痘不起發者亦可服服此方後無吐瀉腹痛諸雜症者即以千金內托散連服數劑便可灌漿結痂矣。

加味參蘇飲

無力用人參者真高麗參須用錢半若真台黨參須用三四錢方有力量以下做此

法半夏 三分 茯苓 五分以上二味不可輕用 人參

三分 蘇葉 五分

桔梗 四分 前胡 四分 牛蒡 炒四分 粉葛 八分 查肉 炒六分 川芎 四分

生薑引此方去法夏茯苓較妥當

此書所錄皆屢效之方內藥有與灌漿不甚相宜而可偶用以救急者必

註不可輕用恐人粗豪以誤事也

大凡痘症初發熱及正灌漿時蒼朮白朮陳皮法夏俱不可輕用收靨時則可用矣發熱時姜活獨活麻黃細辛尤不可輕用灌漿時穿山甲皂角刺斷不可用總記於此業是術者尙其慎之勿以人命爲兒戲也

敗毒和中散

連翹去心七分牛蒡炒七分黃連酒炒七分枳殼炒七分荆芥五分木

通五分桔梗四分紫草酒炒四分蟬退酒炒四分川芎四分甘草四分前胡五分升

麻四分大麥冬酒炒八分防風五分不用引 毒氣盛煩渴腹痛者宜用

此方

升消平胃散

蒼朮

米泔水製五分

陳皮

三分此二味不可輕用恐燥乾津液不能灌漿故也後做此

川芎

五分

香附

製五分

紫蘇五分厚朴

姜炒五分

藿香三分

砂仁三分

白芷三分

炙草二分

麥芽六分

查肉

一錢

生薑引

參砂和胃散

法夏

四分雲苓

五分

白朮

五分

陳皮

三分以上四味

人參

四分砂仁

四分

藿香

三分

炙草

二分煨薑

五分

此方只用後五味亦效

朮苓調脾散

白朮

七分

雲苓

七分上二味

酒芍

五分

神糶

炒五分

炙草

五分

扁豆

汁

浸八分

厚朴

姜汁三分

香附

三分

砂仁

三分

煨薑

紅棗

元肉

引加入

人參

四分亦可

清解散

防風

四分

蟬退

酒洗四分

荊芥

四分

桔梗

四分

川芎

四分

查肉

八分

前胡

乾葛

五分

升麻

五分

黃芩

酒炒

六分

黃連

酒炒

六分

紫草

酒炒

六分

炒七分

連翹

去心

七分

甘草

三分

生薑

引

蘇解散即清解散去芩連加白芷

四分

姜活

四分

此味不可輕用

溫中益氣湯

參薯二味宜加分量說

己見前以上均做用

白朮

土炒五分

茯苓

六分以上二味

不可輕用

人參

五分

生薑

八分

歸

身

酒洗

炙草

四分

川芎

四分

白芷

四分

防風

四分

木香

四分

官桂

三分

生薑引

背稀疎。飲食如常。二便不澁。此順候也。不必服藥。但節飲食。避風寒。防穢氣而已。

痘出齊三日內。其時日十分緊要。其形色症候最宜精詳。蓋好痘全要膿漿濃滿。其次亦要六七分膿漿。可保無虞。痘一出齊。形色顯然。其膿之成與不成。足與不足。皆可逆觀。其痘順者。自然膿足。不必服藥。其症之不順者。後必無膿。或膿少而清。急於此三日內。察形觀色。分別虛實寒熱。用藥調治。以爲灌膿計。猶可及也。失此不治。多有緩不及事。而竟不成膿者矣。痘之生死。判於膿之有無。有膿則生。無膿則死。有膿則毒從外散。故生。無膿則毒留內攻。故死。是以膿濃滿而痂厚者。上也。膿未滿而痂薄者。次也。其下者。遍身俱水泡。然水泡七八分。而間有二三分薄膿泡。猶可生也。其最下者。密不成顆。串爲一片。而其皮下有膿漿。又或水泡密而潰爛。膿水

淋漓猶可生也。惟乾枯無膿漿。或薄漿不滿二三分者。必癢塌而死。無生意也。是以出齊而調。治灌膿。如拯溺。救焚。不可緩也。

血氣流暢則毒化而爲膿。膿之不成。其病有二。毒氣盛熾則血燥而凝。不能運化。以成膿。故痘色乾枯紅紫。或帶焦黑者。毒熾而血凝者也。即用清毒活血湯。煩渴者去參。善加麥冬花粉八分。元氣虛弱則血寒而縮。亦不能運化而成膿。故痘色淡白。胞不尖圓。根無紅暈者。氣虛而血縮也。急用參歸鹿茸湯。或千金內托散。甚者服此一二劑。其痘即轉紅活。行漿困倦手足冷。飲食少者。加木香丁香五分。官桂五分。寒戰咬牙者。再加官桂三分。製附子八分。泄瀉者去當歸加神糶白朮酒芍雲苓八分。木香丁香三分。另用參朮散。止瀉托膿之劑。莫妙於此方。以鹿茸補血力峻。與草木諸藥不同。然恐鹿茸未必得。故又錄千金內托散。加減法同上。

出痘齊後當治不治。則漿不行。而五陷之症作矣。五陷者。白灰紫黑血陷是也。

痘稠密紅紫而頂陷者。紫陷也。甚則轉而爲黑陷也。此熱毒盛熾。閉其氣。凝其血而陷也。仍用清毒活血湯。煩渴者去參。著加麥冬花粉八分。然此紫陷時。不過一二劑而痘即立起。其效如神。及至黑陷則受毒已深。雖用此藥救治而不活者。十常八九。

痘雖稠密。其色深白。根無紅暈。而頂陷者。白陷也。甚則轉而爲灰陷也。此氣血虛弱。不能運化毒氣。以成漿。故陷也。宜用參歸鹿茸湯。或千金內托散。其隨症加減法亦如之。

又有一種痘瘡。顆粒通紅。或血泡而不成漿者。此氣不能統血。而血溢。妄居氣位也。詳見前論氣血條。宜大補其氣。用參耆湯主之。服此泡即轉白。

而成漿。否則血泡不治。則氣愈虛。而爲血陷。然治之亦不外此方。血陷與紫陷相類。但血陷雖紅。然淡而不紫也。紫陷屬熱。氣粗身熱。血陷屬虛。氣少身涼。不可不辨。何西邱論五陷。說此朦朧不明。管櫟論之。尤乖謬可惡。業醫者。切不可孟浪。而不明其理也。

犯五陷者。治已見前。其或雖不預陷。而痘不光潤。或泡虛而漿不過三四分。雖或有漿而清薄。或行膿至二三日。尙不充滿。此皆難以收靨。宜用參歸鹿茸湯。催足其膿。漿或千金內托散亦可。若漿不滿。雞冠血酒亦可用。三四年以上大雄雞。先將好酒一杯燉溫。次刺雞冠血。滴入和勻。仍燉溫服之。服後雖燥痛一時無妨。但其鷄不可殺。

又有一種出痘稠密。毒火既盛。然元氣虛。血氣弱。精液枯竭。不能制火。以致虛火。炎蒸。或咽喉痛。或鼻時出血。難任溫補。痘不能成膿結痂。大凡年

長之男女嗜欲久開。血氣既耗者。多有之。最爲難治。時醫見其多熱症。率用清涼。如犀角地黃之類。不知原因。血氣不能勝毒氣。而有此種症。今又純用寒涼。則血氣虧損。而毒氣愈妄行。豈復有可生之理。是以此等症。治之者十無一生。殊可哀憐。今特製參麥清補湯。須頻頻服之。方保無虞。痘出五六日後。至七八日。若濃漿不行。亦當用參歸鹿茸湯托之。黃耆生用。不必加減。如膿漿不起。則無生意矣。若有四五分膿。猶可望生。灌漿時有吐瀉者。症各不同。吐有二症。瀉有二症。

吐而酸苦有聲。吐訖反快者。毒火上騰也。痘色必紅紫。用連梔二陳湯。緩服之。吐止勿服。但二陳不可輕用。用伏龍肝藿香可也。

吐而有物無聲。不酸不苦。吐訖困倦。不思飲食。胃氣損也。痘色必淡白。用參砂和胃散主之。方見前發熱條。

泄而糞黃臭。小便赤澁者。毒氣奔越也。痘色必紅紫。用加味四苓散食前服。

瀉而糞滑利清白者。虛寒也。痘色必淡白。用參朮散食前溫服。入稀粥內和服亦可。或去白朮加赤石脂骨碎補亦可止瀉。如虛滑不止。服前藥不效者。兼用七味豆蔻丸。此等丸散治痘之家。必須預製。以防虛滑泄瀉。若痘起脹收結時。驟然瀉泄不止。危在旦夕矣。然止瀉有用湯藥不效。服至異功散而不止者。惟此丸散可以止之。若熱毒作瀉者。加味四苓散一二劑即可止。

起脹灌膿時。或有六七日不大便。而煩悶作痛者。毒氣盛而秘也。用前清毒和血湯。去參善加懷牛膝二錢。入生蜜半盃。紫草當歸倍用。如又不通。加酒炒大黃微利之。若仍不通。用豬膽汁滴入穀道中。即通。切不可用硝

磺下之。恐下後變他症則危。

灌漿時。有身涼而汗不止者。用歸善主之。有痰用白附子。熱水磨服。切不可用二陳。恐燥。陽明孤陽無陰。不能化也。至收結時。用之無防。

◎痘齊後起發灌漿調治方

清毒活血湯

歸身酒炒

牛蒡炒

前胡六分

木通六分

生地酒洗

酒芍五分

連翹去心

桔梗五分

黃芩酒洗

黃連酒洗

甘艸四分

查肉八分

人參三分

生薑八分

紫草酒洗五分 生薑引 煩渴者去參 善加麥冬花粉各八分

參歸鹿茸湯

無鹿茸以其鹿膠四錢代之 無人參以其高麗參代之二三錢或台黨五六錢代之

鹿茸酒炒

炙善二錢

歸身酒洗

炙艸

六分

人參一錢

鹿茸多蟲不可用 鼻嗅之恐蟲入鼻額

生薑龍眼好

酒一盃引

千金內托散

人參二錢

歸身二錢

炙善三分

酒芍六分

川芎六分

官桂五分

炙艸

五分查肉五分防風三分木香三分白芷三分厚朴薑汁炒三分方內既用厚朴又龍

眼好酒生姜引

參善湯 人參五錢炙善五錢炙草一錢官桂五分生薑引

歸善湯 歸身五錢炙善三錢棗仁炒三錢不用引

參麥清補湯 人參八分麥冬去心一錢花粉酒炒一錢生善二錢牛蒡炒五分炙草五分

酒芍五分山芍五分當歸八分生草五分紅花酒炒五分川芎三分生地酒炒三分

桔梗三分查肉三分前胡五分生薑龍眼

連梔二陳湯雲苓五分法夏四分陳皮三分上三味黃連酒炒五分炒梔五分炙草三分

生薑引

昔新安汪機號石山治痘症用四君子湯加黃善紫草多效。閒有枯萎而死者。自咎用藥之不精。思之至忘寢食。忽悟曰。白朮燥濕。茯苓滲水。宜痘

漿之不行也。乃減去二味。加官桂糯米助其氣。因名保元湯。觀此則知白朮茯苓二陳等藥。自初發熱以及灌漿之時。短一日未收斂。一日不可輕用也。明矣。何世人不察而謂必用白朮始可催足其漿耶。甚矣其貽害於人不淺也。

參砂和胃散方見前發熱條

加味四苓散 猪苓八分 木通八分 澤瀉七分 赤苓七分 車前炒五分 黃芩酒炒五分

黃連酒炒五分 牛蒡炒五分 燈心引

參朮散 白朮土炒一兩 雲苓去皮五錢 陳皮四錢 炒苡仁五錢 砂仁研五錢 蓮肉五錢 六

神糲五錢 查肉五錢 訶子研四錢 木香三錢 甘艸炙五錢 肉苳蔻麵包煨四錢 右藥錢去油

共爲細末每用二錢清水調食前溫服

七味苳蔻丸 白苳仁五錢 訶子麵包煨五錢 龍骨醋煨五錢 砂仁五錢 木香五錢 赤石脂

痘七錢

枯礬七錢

右藥麵糊爲丸。如菘荳大。用清米湯吞之。或三十粒。

量兒大小與之。兒小不能吞丸者。研末入粥內服之亦可。

①漿足至回水結痂時數日調治法

痘出八九日。膿漿充滿。顏色蒼蠟者。若無他症。勿藥可也。痘出稠密。而膿不甚滿。此時飲食多減。痰液甚多。用養胃開痰湯。渴者去法夏。加麥冬八分。五味九粒。吐逆者。加藿香砂仁各三分。灌膿時忌用朮荅半夏。恐其燥乾精液。膿漿不行也。至將靨時則可用矣。

此時有欬逆者。俗呼呃。胃氣上越也。取淨黃土鼻邊聞之即止。此時漿滿。或爲寒所剝。一時痘俱紫黑。如葡萄色。不必驚恐。急以上好肉桂磨湯。或煎湯服之立效。如舊有寒戰咬牙者。此真氣外發。而內虛寒也。宜建中湯一服立止。甚者不過兩服。收靨時寒戰咬牙者。亦同此調治。

或謂寒戰咬牙。有熱有寒。如痘色紅紫。一齊湧發。身熱煩燥。作渴。大便秘。小便澁赤。脈來洪數者。熱也。蓋胃熱則咬牙。肺熱則寒戰也。如痘色淡白。皮薄頂陷身涼。大小便利。脈沉遲者。寒也。蓋胃寒則咬牙。肺熱則寒戰也。此說當矣。然此症屬寒者十之九。屬熱者十之一。是於七八日之前。猶有屬熱者。見於七八日之後。其屬熱者寡矣。是以不爲熱者立方。九日十日間。膿足而色蒼者。且必發熱。薰蒸此回水之候也。蓋眞陽運化。其水自消。而收靨也。

其有元氣不足。則不能及時回水。而當靨不靨矣。此虛寒症也。必自涼而手足冷。須大補氣血。以助其收結。宜用溫表調中湯主之。

其有發熱薰蒸。當靨而不靨者。毒氣未解也。退其熱。則痘自收。宜用清表散毒湯。或用砂糖半酒盃。百沸湯調作一碗溫服。謂之甘露回天飲。能令

熱退痘收。但毒盛者恐未必效。

痘壓時有外潰而膿水淋漓者。謂之水壓。用新瓦粉調鴨蛋清敷之。立收而落。當壓時有忽然腹痛著在中脘。此熱毒凝滯。瘀血作痛也。宜用消毒散血湯。若結痂厚實。無他症者。不必服藥。

結痂後發熱或煩渴者。當辨其寒熱虛實調治。發熱壯盛。胸腹手足頭面俱熱。大便秘澀。小便赤澀者。餘毒盛也。即當解毒。若解毒遲。則痂落後必發癰毒。急用大連翹飲解之。大便仍秘。加熟軍五分。

若發熱稍緩。頭熱面不熱。其手足心熱。手脚背不熱。精神困倦。大小便利者。虛熱也。宜補中益氣湯。渴者加麥冬一錢。五味子九粒。

痂落還兀。或痂落一半後。忽然遍身大熱。餘毒欲發癰也。或手足四肢頭頂胸背。有一二處更甚者。即癰之所在也。此在膿漿不滿而痂浮薄。速收

速落者多有之。急用大連翹飲以退其熱。大便祕者加酒炒大黃微利之。如熱不退連服數劑。熱退身涼方可內消。

此時又有忽然頭頂大痛者。餘毒上攻也。或因多服熱藥所致。若不急治其毒必注於眼目。而目病大作矣。宜用大連翹飲去木通車前滑石加升麻桔梗六分川芎薄荷四分服數劑以解散上攻之毒。則目患可免也。

痲落後有精神困倦。飲食減少。胸腹頭頂手足心發熱而煩渴者內虛也。仍用補中益氣湯主之。或有雖不發熱而倦怠嗜臥不思飲食。或手足冷。或精液少而渴。或癍白不紅。皆內虛之症也。亦宜用補中益氣湯主之。不然恐生他變。

須知出痘多者收結之時。還元之後。五臟真氣發洩已多。一身血氣耗散已甚。雖或毒氣未淨。而其真氣極虛。是以用涼藥解毒必須用酒炒製其

質體弱者。或時加參耆歸芍之類。以救血氣。切不可因其有熱症。而遂投以生三黃。生梔子。大黃。石膏之類。此時正氣微弱。用寒涼峻攻。多有一投而輒斃者矣。必須戒之。

治痘之家。既謹其始。又須慎其終。蓋痘之危險者。有二。一曰毒盛。一曰體虛。當其未出之時。或三五日而速斃者。皆因毒盛也。及結痂還元之後。或誤投一藥。誤進一飲食。而斃者。皆因體虛也。毒盛欲出不出者。能順其勢而導之。使出不妄。施解毒以阻遏。拂逆之。則未必致斃。故前論再三告戒。深爲謹始者。慮也。其體虛者。能察其虛而補養之。又防其虛而不峻攻之。則可保無虞。惟玩其收結。還元而忽意不加謹者。多致誤事。故又爲慎終者。警也。

◎回水結痂時調治方

養胃開痰湯 人參三分 白朮土炒三分 炙草三分 雲苓三分 桔梗三分 查肉炒五分

懷山藥炒五分 陳皮三分 法夏三分 生薑引

建中湯 人參二錢 炙芪三錢 白朮土炒一錢五分 當歸酒洗一錢五分 川芎八分 製附

子一錢 黑姜一錢 肉桂八分 炙草八分 丁香三分

溫表調中湯 炙芪二錢 人參一錢 白朮土炒一錢 雲苓一錢 官桂一錢 乾姜一錢

川芎一錢 當歸酒洗一錢 炙草一錢 白芷五分 丁香五分 防風五分 附片五分 生薑引

清表散毒湯 地骨皮製八分 麥冬酒洗八分 花粉酒洗八分 牛蒡炒五分 連翹去心五分

歸身酒洗五分 豬苓四分 澤瀉四分 黃芩酒洗四分 木通四分 甘草四分 不用引

大連翹飲 連翹去心一錢 牛蒡炒八分 柴胡八分 歸身酒洗八分 赤芍八分 防風八分 木通五分

車前五分 荊芥五分 酒芍五分 查肉炒五分 滑石水飛五分 甘草五分 蟬退五分 生薑引

消毒散血湯 牛蒡炒一錢 酒芍一錢 桃仁去皮尖油一錢 熟大黃一錢 紅花五分 沒

桂白芍川芎六分。南木香四分。若泄瀉者兼用參消散。

痘癢者。表虛也。此爲危症。急用參耆實表湯補之。癢痘必竟屬虛。管舜乃謂有氣盛血熱而癢者。此無稽謬說也。又有謂因血上行氣分。血味本鹹。醃螯皮肉作癢。似爲近理。然灰白之痘。不但屬氣虛。而血虛亦甚矣。豈能上行皮肉。醃而作癢乎。則此說亦未必然。有穢氣觸犯而癢者。急燒蒼朮紅棗。或黃茶葉以避之。甚者內服和平湯。方見發熱條。

痘痛者。爲實。此爲吉兆。用生白芍二錢爲末。酒調服立止。甚者不過二服。痘出齊後。有面目腫脹。而痘不腫者。此血氣虛弱。不能收攝毒氣。以成膿。故其毒散漫。妄行肉分也。此爲危候。急宜大補氣血。以收攝其毒。用參歸大補湯。則痘灌膿。而肉脹自消矣。

痘出齊數日後。其間有紫脹硬痘。獨大而無根暈者。此痘疔也。用四聖膏

填入或拔毒散點之。先將銀針開疔口。將藥填入。即轉紅活。

痘毒發於肌膚。而血氣不能運化。以成膿結痂。則有鬱熱不散。赤腫而成。癰者。其發於未收以前者少。而發於既收以後者多。未收以前必膿少而淡者有之。既收以後必痂浮薄。而速結速落者有之。若膿漿飽滿。結痂厚實。緩結緩落者。並無有也。此毒氣發洩盡與不盡之明驗也。又有不虛而服補劑不寒。而服熱劑以致發癰者。醫之悞也。俱用大連翹飲主之。但當其初發腫時。內外夾攻消散之爲上。至於成膿。則幼小之兒多難堪。而在頭項胸背腰腹者。皆險也。外治以三豆漿塗之。

痘瘡原多潰爛。收結後或手足等處。仍作熱臭爛出水不止。生肌散搽之。熱退結痂而愈。其有仍作熱作膿而不即愈者。用大連翹飲解之即愈。又有餘毒流注各處出水者。綿繭散搽之。

痘有鼻中衄血者。毒氣上衝於肺也。此其毒氣外洩。亦非惡候。不必驚惶。只用髮灰散。或清肺湯治之。切不可峻用寒涼。如犀角生地梔子三黃之類。冰伏其氣。血必爲大害。世人不知此理。一遇痘瘡有衄血咽喉口舌等症。即認爲實熱。遽投以寒涼。冰伏其血脈。以致痘不得成漿。而變爲壞症者多矣。是治末而妨其本。昧之甚者也。

痘有水泡而無膿者。血少不能化膿也。急用參歸鹿茸湯。峻補其血。若膿泡與水泡相半者。無妨。如十分中有三四分膿泡。猶有生意。惟遍身水泡則危矣。然胃氣好而飲食如常者。亦可望生。但其毒氣未散。須防發癰耳。○其或小兒痘多。則氣血有限。不能盡成膿。而水泡與膿泡相間。此常理也。若無他症。不必施治。

痘有口舌生瘡。或是熱毒。或是虛火。當以痘色辨之。切不可概認爲實熱。

而純用寒涼解毒之藥。如痘色紅紫湧盛者。熱毒也。用上清飲散主之。如痘色淡白者。虛火也。用前參麥清補湯主之。外用赴筵散搽之。即愈。或口舌有痘而腫痛者。痘收自愈。不必治。治亦不效。

痘有咽喉腫硬者。首尾俱用利咽解毒湯。外用鎖匙吹之。

痘有音啞者。當辨痘色以分順逆。若痘色紅紫。當行漿。而音啞者。此氣喉有痘也。是以外痘行漿時。痘內亦行漿。窒礙氣道。而音不亮也。待外痘收。則內痘亦消。而音自亮矣。此不必別加調治也。若痘色淡灰白。而音啞者。乃血氣虛弱。送毒不出。毒流於肺。肺氣受傷。以致失音。此則危矣。宜參麥清補湯。兼千金內托散。

又痘有咽喉陰水者。順逆不同。須爲分辨。若痘灌膿時。陰水者。喉中有痘也。外痘成膿。則內痘亦成膿。壅於食門而陰也。蓋是門乃飲食所進之門。

既有所壅。則飲食必溢於氣喉。而發。陰若食物無渣。自能咽下。不犯氣道。故不陰也。待外痘收。則內痘自收。可不藥而愈矣。此雖陰水。其喉不甚痛也。若痘未行。漿而喉先陰。水此則毒氣壅塞其喉。必痛。宜用前治咽喉方治之。

痘有小便赤色者。用導赤散主之。有血淋者。用當歸一兩。懷牛膝三錢亦效。

痘毒入眼。有赤腫而痛。不能開者。有翳膜遮蔽而不能視者。自古方書所載。皆以爲痘瘡入眼。而不知此非有形之痘。乃無形之痘也。其遮睛之翳。有似痘瘡而實非也。蓋有形之痘。發於咽喉。口舌者有之。然皆外痘脹時。內痘亦盛。外收靨時。而內亦消。惟入眼之毒。必作收靨之時。還元之後。與咽喉口舌之痘迥異。此以知其非有形之痘。蓋眼者五臟血氣之精華也。

痘毒之鬱滯於肌膚者。爲癰爲疔。而其留於精華。則發爲眼患矣。其受病也深。治之者。切不可鹵莽躁率。責效於數劑之間。當從容調治。收功於數十劑之後。又不可驟用寒涼。峻攻其裏。而疏利其下。何則。痘後之人。元氣虛弱。而其毒發露在表。又在至高之分。若峻用寒涼。則既傷其元氣。又拂逆其病勢。未有不。至。喪。明。者。且。生。他。病。而。爲。患。不。小。又。忌。用。寒。涼。藥。點。洗。止。可。用。清。毒。撥。翳。湯。緩。緩。調。之。

痘後胞白。口作渴者。脾火也。用黃土滾水泡澄清。溫服即愈。

痘後發毒者。用三黃爲末。有水乾搽。無水麻油調搽。

◎兼症補遺各方列下

元參升麻湯

元參

酒炒升麻

二錢甘草

八分牛蒡子

炒六分防風

六分荊芥

六分

不用引

參歸鹿茸

方見前灌膿條

參薯實表湯

炙芪

一錢五分

人參

一錢

官桂

八分

防風

八分

白芷

八分

當歸

酒洗六分

川芎

六分

厚朴

六分

桔梗

六分

木香

三分

生薑

引

和平湯方見前發熱條

參歸大補湯

參其宜酌量加用

人參

一錢五分

歸身

酒洗一錢五分

酒洗一錢五分

炙芪

一錢五分

川芎

八分

桔梗

八分

查肉

炒八分

甘草

炙八分

紫草

酒洗六分

川朴

防風

各六分

白芷

六分

木香

三分

生薑

引

四聖膏

真珠

法製三分

豌豆

炙三分

髮灰

三分

冰片

五釐

右藥用油

胭脂調成膏

拔毒散

○雄黃

二錢

胭脂

浸水調點疔頭上

大連翹飲方見前結條

○綿繭散 用生礬末填入出蛾蠶繭內燒令汁

盡成灰爲末搽之

○髮灰散 用少壯無痂人亂髮肥皂洗淨焙乾

用新瓦罐將髮填入罐內瓦片蓋口鹽泥封固用炭火圍罐煨一炷

香取出研令極細每用二錢童便七分酒三分調服立止輕者用髮

灰吹鼻亦止此法不惟痘靨可用凡血症者佳○清肺湯 花粉酒

五麥冬去心酒洗五分 桔梗五分 天冬去心酒洗五分 當歸酒洗五分 甘艸五分 酒苳四分 酒芍四分

四分知母密炙四分 丹皮四分 ○上清飲 薄荷四分 防風四分 牛子炒六分 甘

艸四分 連翹去心六分 桔梗六分 酒苳六分 黃連酒炒六分 花粉酒炒六分 麥冬去心六分 酒洗六分

粉葛六分 生薑引○赴筵散 薄荷黃栢爲細末入青黛少許和勻

搽之○利咽解毒湯 山豆根一錢 麥冬去心一錢 元參酒洗一錢 桔梗六分

牛子炒一錢 防風五分 甘草五分 生薑引

玉鎖匙 硼砂一錢 朴硝五分 姜蠶一個 冰片五釐 右藥爲細末以竹管吹之○

參麥清補湯 千金內托散 二方俱見前灌膿條○導赤散 赤

苓八分 麥冬去心八分 車前子四分 生地酒洗四分 甘草三分 人參三分 燈心

清毒撥翳湯 黃連酒炒五分 當歸酒洗五分 花粉酒炒五分 牛子炒五分 草決明五分

桔梗五分 甘草五分 白蒺藜炒去五分 甘菊花四分 密蒙花四分 穀精草四分

川木賊四分 粉葛四分 川芎三分 羌活三分 柴胡三分 防風三分 薄荷三分 生

地酒洗三分 炒梔三分 大便久秘者加熟軍壹錢 生姜引一劑後大便行

動仍去大黃

生肌散 地骨皮 黃連 黃柏 甘草 五倍子 共爲末乾搽之

◎孕婦出痘論

凡孕婦出痘。熱能動胎。胎落則氣血衰敗而不能起發。灌漿矣。故始終以安胎爲主。外用細軟之帛緊兜肚上。切不可用丁桂燥熱之品。及食牛虱毒物之類。以致觸犯。其條芩白朮艾葉砂仁之類。與痘相宜者。採而用之。其初發熱。則以參蘇飲發之。痘既出後。則多服安胎飲保之。渴者。則用人參白朮散加減。瀉者。則用黃芩湯加四君子湯。內加訶子。血虛者。則以四

物湯。加托藥。色灰白而起發較遲者。則用十全大補湯。去桂服之。總之。不問輕重。悉以清熱安娠爲主。更有孕婦出痘。正當盛時。忽臨正產者。勢必氣血俱虛。亦只以十全大補湯。大補氣血爲主。虛寒者加熟附。若腹中微痛者。此惡露未盡也。宜四物湯加乾姜桂心木香黑豆。用熱地黃而去芍藥。蓋恐寒涼有傷生氣。然有當用者。酒炒用之。若寒戰咬牙。腹脹不渴。而足冷身熱者。此乃脾胃內虛。外作假熱也。宜用參耆桂附木香之類。二劑而愈者吉。不愈者凶。若孕婦肥胖者。則氣居於表。而慊於內也。人參可多。黃耆宜小。多加帶殼縮砂。切忌脫蒂菓子之類。至有痘漿收靨。忽作泄瀉。口渴飲水。小便短少。其痘胖壯紅潤者。此內熱也。宜用五苓散內加黃芩芍藥之類。若至滑瀉不止。食少腹脹而足冷。痘色灰白。脉細無力者。此犯五虛。必死之證也。凡婦人方產之後。或半月左右。適逢出痘者。此無胎孕。

繫累惟氣血尙虛。治宜大補榮衛爲主。若痘出多者。則加連翹黏子之類。大便自利者。則用肉蓯炮薑之類。餘即照常一例而治。不必多疑。反生他誤。至於孕婦出痘。在於初出之時。胎落者。則血氣雖爲大虛。然熱毒亦因走泄兼之。未經起脹。灌漿。則血氣未曾外耗。倘痘非險逆。加以大補托裏。每多得生。至於收靨之時。胎落者。則毒已出表。清散亦多。無事。但重虛而元氣易脫。倍宜補益耳。若正當起脹。灌漿。而胎落者。則氣血衰敗。內外兩虛。既不能逐毒以外出。則毒必乘虛而內攻。其爲不救者多矣。

黃芩湯

治熱痢

黃芩

炙草

芍藥

各等分

大棗

五七枚

水煎服

◎炮製用藥之法

凡用寒涼除陽症。傷寒積熱痢症。及諸實熱等症外。其餘用之降炎上之火。清血分之火。俱有寒因熱用之義。須依酒炒酒製之法。最爲緊要。若痘

症中前後所用解毒諸涼藥皆因毒火燥血而用入血分藥以涼血活血者。必須依法炮製。是以苓連知柏花粉大黃等必用酒拌炒。牛蒡必炒香研末。當歸白芍生地紅花紫草牡丹皮地骨皮之類。必以酒臨時洗用。此要法也。而時醫苟簡粗率。往往不依法炒製。而生用寒涼。不惟無益。而反以致害者多矣。此其失非小。而人不知。不惟病家莫之知。而時醫亦竟不悟也。若悟其失。豈肯省此微勞。而貽此大害哉。故表而出之。以訓將來。有熱者甘草黃耆白芍俱生用。虛寒者黃耆甘草俱炙熟。

附紫草考正辨

◎紫草茸

古方用茸即紫草之嫩苗

紫鈔

今作紫草茸即紫色樹脂

考本草綱目紫草一名紫丹。別錄名紫英。又名地血。氣味苦寒。治痘瘡斑疹。有涼血活血解毒之功。古時用根。初無所謂紫草茸者。惟李時珍註中。曾言其根間嫩苗。白

毛如茸。後人因此添一茸。以炫人目。吳醫彙講云。痘科所用紫草茸。即紫草之嫩苗也。痘科釋義云。痘科用紫草。古方惟用其茸。取其氣輕味薄。而有清涼發散之功。活幼新書云。紫草性寒。小兒脾氣虛寒者。反能作瀉。惟用茸。取其初得陽氣。以類觸發。所以透發痘瘡耳。

又考綱目紫鏹。(鏹音礦)一名赤膠。又名紫梗。出真臘國爲上。波斯次之。氣味甘鹹平。有小毒。治五臟邪氣。金瘡崩漏。破積血。生肌止痛。並治濕癢疥疥。齒縫出血。及產後血暈。本經逢源云。紫鏹俗名紫草茸。神應心書云。紫草茸色淡紅。出烏思藏。著大樹枝上。如生白蠟然。實蟲所釀之窠。故原來之貨。尙有樹枝包裹其中。化學易知云。拉克又名舍來克。中國名紫草茸。爲工藝內多用之料。出於數種樹上。其樹有小蟲。刺通樹枝。流出之汁。變爲深紅色。包住樹枝。折取之。卽得拉克條。從枝上剝下。

肖巖按比來痘疹之症盛行。用疎表透發之後。非涼血解毒。不能消滅。方中欲佐以紫草之嫩苗。多方調查藥肆。均是紫鏹。非真正之紫草茸也。卽上海藥棧。亦少

是品乃改用老式之紫草片。

蘇廣什貨店有是貨
為婦女浸油所需

即紫草根切片。屢試輒效。復檢紹興

曹炳章所著藥品之商榷。節錄各家之說。兩兩對勘。俾知紫草紫銛。效用之不同。傳訛之異諦也。今市肆竟以紫銛代紫草茸。醫者不察。病家不知。即藥販亦不辨。謬種相承。害人不淺。况藥品為生命攸關。既經調查明確。豈容緘默不言。以失立會研究之宗旨。自茲布告以後。吾甚願同道書方。勿寫茸字。只書紫草片。或紫草根均可。又甚望藥業發售。另備此種老式之紫草根。切片用之。各盡天職。則功德良多矣。

◎治痘醫案

余第四子。生四十日。即出痘。其初頭上並身上。不過三五點。身不甚熱。食乳如常。看者皆謂其痘極少。當不滿百耳。余以為未必然。即令禁風調理。再越三日。而遍身甚多。其頭上胸腹腰背手足俱稠密之甚。至於額上面

上及陰囊等處。俱一片純紅。不分顆粒。臍內甚多。因腫大突出。舌上亦多。形如白米。膿漿布置滿舌。看者以爲兒小痘多。且有不順症。此必不可爲矣。余見其痘色紅活。又頗能食乳。尙爲可治。但慮其血氣難支。因以參、炙草煎濃汁。時與乳相間服之。以助其漿。膿起脹。至於五六日之後。其頭上之痘多膿漿。而間有水泡。至於身上及手足。則水泡大半。而脹僅小半耳。余以爲兒小則氣血有限。其理宜然。不足憂慮也。獨慮其面額上一片純紅。無一點膿漿。以爲憂耳。蓋必得皮下有膿。而後毒氣可散。仍時以甘艸參耆湯與之。至於第七日。一更時分額上純紅者。忽有一二處轉黑色。余見大驚。以爲此毒盛而變逆症也。然察精神與飲食。則又未見困憊。是夜三更。見其陰囊處亦轉黑結痂。因悟而喜曰。此非惡候。乃痘收而結痂也。緣兒小而氣血易於周浹。是以七日後即收靨。不可拘以九日常期也。

果於第八日寅卯時。分自上至下。遍身俱落。至晚遍身復發大熱。余曰。此痘毒未得盡發。因速結速落。而餘毒欲發癰也。急宜解毒。以大連翹飲煎濃汁。緩挑服之。凡一日一夜。服三酒杯。而熱退身涼。可無癰患矣。其鼻上。痂落一層。又結一層。封閉鼻氣不得出。以蜜潤其痂。用銀挖耳。挑開鼻孔。以出其氣。一片純紅處。痂雖落。而膿水未乾。以黃柏黃連甘草骨皮梧子爲抹搽之。而愈。其陰囊流清水數日不愈。諸藥不效。用綿繭散而愈。夫以此極小之兒。極危之症。而隨症用藥。其效如神。已彰彰可覩矣。而古人之著書。與今人之治痘。一見小兒痘多。與穿臍純紅水泡等症。即棄而不治。不亦大枉哉。生靈夭死。何可勝計也。雖往者無可如何。而來者猶可急救。有司命之責。懷慈幼之仁者。宜知之。

一婦人年二十三歲。有娠三月餘。夜間爲盜賊所驚。不數日而小產。發熱

二日而出痘。至四五日而痘出齊稠密可畏。又兼嘔吐。痘色淡白。諸醫見其氣稟弱。小產虧損。痘出又多。皆不敢施治。余曰。豈有坐而待斃者乎。因以參朮陳皮等。安和胃氣。止其嘔吐。而痘色亦略轉紅活。余喜曰。此可以溫補而調治也。因以參朮川芎當歸炙草官桂丁香等。大補劑屢投之。每服補劑後。其痘色輒轉紅活。若一日不服藥。則轉爲淡白。余因一日必投以兩大劑。至於痘正灌漿時。聞其血漏尙未淨。余曰。此注漏卮也。急於前補劑中。去官桂木香。加黑薑升麻柴胡各一錢五分。阿膠艾葉各八分。服二劑而血漏立止。仍除此五味。依前劑頻頻服之。其膿漸漸充滿。至於二十餘日。而後收靨。後又眼腫翳頗甚。服清毒撥翳湯數十劑而愈。當其服補劑時。每劑用參朮各二錢。丁桂各一錢。他藥多寡稱之。前後共服二十餘劑。夫此極虛之症。苟非此峻補之藥。豈能得生乎。拘常格者。可以悟矣。

一兒年十五歲。出痘遍身稠密。至八九日。當灌膿時。其痘粒粒陷入成窩。諸醫用異功散治之。其伏陷愈甚。惟有待斃而已。余往視之。見其痘色紅紫而體氣頗旺。余曰。此非虛弱。乃毒氣壅塞血氣。是以伏陷不成漿也。因以清毒活血湯與之。辰投一劑。至午而伏陷立起。再一劑而膿漿充滿矣。乃至盛期。又發熱薰蒸。投以甘露回天飲。而獲安矣。

一兒年十三歲。出痘身熱。三四日痘出隱隱數點。忽然驚狂譫語。欲走出外。醫欲以涼藥解毒。予診其脈緩弱。而察其痘色淡白。余曰。此其症雖似陽。然因血氣虛弱。而送毒不出。故發驚狂譫語。因投以溫中益氣湯一劑。而痘出遍身。狂語自解。精神清爽。不必服藥矣。

一兒十歲。出痘極稠密。而頸項甚多。俗謂之鎖頸痘。痘有暴脹。痘數粒在各處。謂之賊痘。又初出帶紫黑色。諸醫技窮袖手。以爲斷不可治。余往視

之。其痘已出。六日有餘。當灌漿時。尙無些少膿漿。醫者因其兒體質素弱。又有賊痘鎖頸。故疑當以解毒藥與之。余曰。此但得膿充滿則可生矣。何必以鎖頸賊痘爲疑哉。且到此灌膿時。痘何可解毒也。其兒素驕不肯服藥。而喜飲酒。可因之以爲用。遂製參桂鹿茸湯一大劑。令其煎汁。而以好酒相半勻和。與兒頻頻飲之。自先日申時至辰時。分服完一劑。視其各處痘瘡已灌漿大半矣。是日午時忽瀉泄二次。知其內虛極。而脾弱也。因製參朮散投稀粥內。服二三錢。而泄立止。後再服參歸鹿茸湯一劑。而膿充滿矣。收時餘毒頗盛。大便秘澁。用大連翹飲。加酒炒大黃一劑而安。

一兒年四歲出痘。其痘症起脹時。泄瀉大作。投以參朮訶藜之類。竟不能止。勢甚危急。余以參朮散投之。服數次而泄止。痘亦遂安。

一女年六歲出痘。其體虛弱。先服補藥已多。至於痘已結痂。而忽泄不止。

投以異功散。加訶蕊亦不止醫。將以七味豆蔻丸與之。余思此女一向服藥。何一旦虛滑若是。因察其大便多努力。且泄之糞又少而色黃。因以加味四苓散一服而泄止。後因其大便澁滯。復加入檳榔青皮枳殼一服而安。余用加味四苓散治痘中熱毒泄瀉。取效甚神。

一兒三歲。當痘收時。泄瀉不止。諸藥不效。以七味豆蔻丸與之。亦不止。其丸從大便泄出。知其虛滑甚也。仍以豆蔻丸研末。和粥少許飲之。其泄立止。痘收而安。余以參朮散並此方。治痘中虛寒泄瀉。神驗。

右醫案八則。皆歐陽氏治驗得意之作。足見先生理明識卓。固能得心應手。

立起沈疴。吾願世之爲醫者。悉心研究。俾倉卒間。不至草菅人命爾。
肖巖識

增訂痘症慈航

增訂痘症慈航卷下

福州鄭奮揚肖巖編輯

◎運氣論說

內經黃帝曰土運之歲上見太陰火運之歲上見少陽少陰金運之歲上見陽明木運之歲上見厥陰水運之歲上見太陽奈何岐伯曰天與之會也故天元冊曰天符

王水註上見者謂司天之氣見於歲運之上也土運之歲上見太陰巳丑巳未歲也火運之歲上見少陽戊寅戊申歲也上見少陰戊子戊午歲也金運之歲上見陽明乙卯乙酉歲也木運之歲上見厥陰丁巳丁亥歲也水運之歲上見太陽丙辰丙戌歲也司天之氣與五運之氣相合名曰天符

帝曰天符歲會如何岐伯曰太乙天符之會也

王水註如天符與歲會相合是名太乙天符乃戊午巳丑巳未乙酉四歲此乃司天之氣五運之氣主歲之氣三者相合故又名曰三合

帝曰其貴賤如何岐伯曰天符爲執法歲會爲行令太乙天符爲貴人

王水註執法猶相輔行令猶方伯貴人猶君主

帝曰邪之中也奈何岐伯曰中執法者其病速而危中行令者其病徐而

持中貴人者其病暴而死。

王永註執法者官人之準繩。自爲邪僻。故病速而危。方伯無執法之權。故無速害而病能自持。貴人義無凌犯。故病則暴而死。

◎論天符 明汪機運氣易覽

司天者司直也。主行天之令。上之位也。歲運者運動也。主天地間人物化生之氣。中之位也。在泉者主地之化。行乎地中下之位也。一歲之中。有此上中下三氣。各行化令。而氣偶符會而同者。則同其化。雖無尅復之變。則有中病徐暴之異。是謂當年之中。司天之氣與中氣運同者。命曰天符。符之爲言合也。天符共十二年中。又有與當年十二律五行同者。又是歲會。命曰太乙天符。太乙者尊之之號也。謂一者天會。二者歲會。三者運會。上有四年。不論陰年陽年。皆曰天符。爲執法。歲會爲行令。太乙天符爲貴人。邪之中人。則執法者其病速而危。行令者其病徐而持。貴人者其病暴而死。蓋以氣令中人則深矣。歲會干律同而非天令。言行令者象方伯無執法之權。故無速害病。但執持而已。

◎論歲會 全上

夫當平十干建運與年神十二律五行相會。故曰歲會。氣之平也。故不以陰年陽年。乃是取四時正月之中。爲四直承歲。子午卯酉是也。而土無正位。各寄旺四季之末。一十八日有奇。則通論承歲。辰戌丑未是也。外有四年壬寅皆木。庚申皆金。是二陽年。癸巳皆火。辛亥皆水。是二陰年。是運與年辰相會。而不爲歲會者。謂不當四年正中之令。故也。除二陽年。則癸巳辛亥二陰年。雖不名歲會。亦上下五行相佐。皆爲平氣之歲。物生脈應。皆必合期。無先後矣。歲會八年中。內四年與司天氣同。已入太乙天符。

◎論同天符同歲會 全上

運氣與在泉合其氣化。陽年曰同天符。陰年曰同歲會。六十年中太乙天符四年。天符十二年。歲會八年。同天符六年。同歲會六年。分言之共三十六年。合言之止二十七年。經言二十四歲者。不言歲會也。變行有

多少病形有微甚。生死有早晏。按經推步可知也。符合也。太乙尊之之號。惟辰戌丑未寄位。子午卯酉四正位。主歲會者。餘不當正中之合故耳。邪之中人太乙暴而死。歲會徐而持。天符速而危。

肖巖按內經六微旨大論。所言運氣最見精詳。此刻爲拯救天行痘疫起見。故節經旨四條。以證天運所臨有數存焉。唯其旨微妙。不易解釋。故又錄唐王冰之注。明汪機之論。俾讀者心目瞭然。

◎先哲格言

從萬氏原本所集凡有關於治痘者錄之

錢氏仲陽曰。瘡疹始出。未有他證。不可下也。但當用平和藥。類與乳食。不受風冷可也。如瘡疹三日不出。或不快。即微發之。發之不出。即加藥。加藥不出。即大發之。如大發後。及脈平無他證者。其瘡本稀。不可更發也。有大熱。則利小便。小熱者當解毒。若出快。勿發。勿下。

肖巖注瘡即痘瘡也。宋代幼科多痘疹並論

朱丹溪曰。小兒瘡疹與傷寒相類。頭疼身熱。足冷脈數。疑似之間。只與升麻湯緣升麻湯解肌兼治瘡子。已發未發皆可服。但不可疏轉。此爲大戒。

必肥滿光澤無陷伏之憂。童叟之子必當詳切其脉。審其表裏虛實。以汗下之不實不虛。則但保其中和。使脾氣流暢。則肺金藉母之助。易于灌漿。速於成痂。無倒陷之患。或至壯盛而膚腠厚密。尤須預爲汗解。或大便結與洩澁者。尤宜下之。利之庶無患也。足脛熱兩腮紅。大便秘。小洩瀉。渴不止。上氣急。脈洪數者。以上七證不宜服熱藥。

足脛冷。腹虛脹。糞色青。面皸白。嘔乳食。目睛青。脈沈微者。以上七證不宜服寒藥。

肺主氣。氣不足則致後。三證自汗。聲不出。瘡頂陷塌不綻肥。並宜服十奇散。自汗倍黃芪。聲不出倍桔梗。○心主血。血不足則致後。三證灰白色。根窠不紅不光澤。肖巖注此三證明辨痘色而施治並宜服芎歸湯。加芍藥。紫草。紅花。良驗。

凡值天時不正。鄉鄰痘瘡盛發。宜服稀痘方。

凡覺痘瘡欲發。當先解利。與傷寒相類。疑似之間。兼用解毒。胡氏有云。非微汗則表不解。解表當用於紅斑未見之時。肖巖注此慮痘疹並發故及早用藥解表

凡痘瘡出不快。有五證。臨病審而調之。○一遇天時嚴寒爲寒所折。不能起發。宜解寒溫表。○一際炎暑隆盛。煩渴昏迷。瘡出不快。宜解暑。○一因服涼藥。損傷脾胃。或胃虛吐利。當溫中益氣。○一現症或成血泡。一半尙是紅點。此毒發越未透。必不能食。大便如常者。宜半溫裏半助養之劑。○一外實之人。皮膚厚。肉腠密。毒氣難以發泄。因出不快。宜解毒。○身體溫煖者。順寒。涼者逆。能食大便實者。順。不能食大便利者。逆。夫痘瘡之毒。最怕穢惡之氣。觸犯切不可。信僧道看經解穢。况無纖毫之力。而反恐被其穢惡之氣。觸犯亦不可恃。其能解而不預防。戒之戒之。仁齋楊氏曰。諸熱不可驟去。宜輕解之。蓋痘瘡無熱則不能起發。痘瘡發于肌肉。陽明胃氣主之。脾土一溫。胃氣隨暢。決無陷伏之患。又云。比之種豆。植天時暄煖。則易生。鰲峰熊氏曰。人有虛實之不同。病有淺深之各異。壯實之人。病無諸症。或瘡發而輕者。皆得依期而食。倘氣候乖常。寒暄失度。毒氣彌盛。當作血泡。而不泡。當結膿窠。而不結。遂生諸證。稽延日數。難

以定期矣。

慈溪趙氏曰。痘瘡灰白不發者。作寒看。紅凸齊綻者。作熱看。其要在解毒和氣活血。溫中安表而已。寒者溫之。熱者減之。減不可多。蓋痘瘡非熱則不能發也。宜以溫和之劑扶而濟之。

桂岩魏氏曰。夫氣血盛。斯毒易解。氣血損。則毒難愈。惟氣血少弱者。雖毒不能頓解。然生意未始不由乎其中。故必加以補益扶持之功。治所當治。順所當順。斯其悔吝無不平矣。

菊軒萬氏曰。痘瘡不怕稠密。只要能食。無不痊者。凡用藥者不可犯其胃氣。蓋人以胃氣爲本耳。

○名論摘要

◎五陷論

朱純嘏痘疹定論

白陷之症。痘雖稠密。其色淡白。根無紅暈。而頂陷。此乃氣血虛寒。不能運化毒氣以成漿。故陷也。宜用溫補之藥。初宜千金內托散。或參歸鹿茸湯。

至於白陷失治而變成灰陷者此乃氣血虛寒之極也。宜前二方倍加參芪鹿茸以救之。○紫陷之症痘出稠密紅紫身必發熱呼吸氣粗根脚紫暈而頂陷此乃毒火內盛挾氣血而俱熱故陷也。宜用清補之藥即以清毒活血湯主之。○如紫陷失治變成黑陷亦有悞服溫補而變成黑陷仍宜用清毒活血湯倍加生芪苓連以救之。○若夫血陷之症庸醫看之每悞爲紫陷殊不知血陷原屬氣虛呼吸之氣出入平和且身涼不熱痘泡雖紅然淡而不紫也。根脚亦淡紅也。宜用參耆四物湯服一二劑即化成漿矣。

◎封倉論 全上

痘出稀疎何必以封眼爲順候。若稠密必須封閉兩目。元氣內固名曰封倉。若兩目炯然決難成漿。明五陷之症仍照治五陷之藥。極力攻漿。兩目自然封固。倉不期封而自封矣。

◎辨痘形色論

萬密齋曰初出現而涵水。乍起發而戴漿。膿未成而乾黑。囊未滿而萎黃。此四

句出在痘疹碎金賦。眞發前人之所未發也。今特表而出之。初見痘苗。顆粒之中。便涵清水。此名涵水。尙未出齊。其中有痘乍見起漿。發于衆痘之中。獨有一二顆乍起黃漿。此名戴漿。及當長漿之時。膿漿未滿。而痘脚乾枯。痘頂黑陷。此名乾黑。膿漿未滿。而痘之根脚平塌。若有黃漿之樣。此名萎黃。此四症皆危困之候也。辨之不可不早也。

◎痘後調護論 費氏救偏瑣言

痘後表裏俱虛。調護悉宜加謹。一有疎漏。以實投虛。卽終身不拔。非細故也。最要有五一節飲食。飲食不節。脾氣受傷。脾係一身根本之地。精神生發之源。有因過飽終身不能多食者。有爲一物所傷。終身不能一見者。有因偶爾失調。致脾氣不實。遂成痼疾者。皆能致肌肉不長。面色不華也。可不慎歟。

一防客感。痘痂初褪。腠理開洩。直抵筋骨臟腑。六淫易襲。起居一有不謹。輕則傷而重則中。非泛常感冒可例。恒有寢食照常。神情如故。而卒然昏暈者。其由此也。

一戒煩擾。痘後精神盡發于外。縱得歡容笑口。脫離苦境之象。而精神氣血尙未之復。

必得靜養可致。倘有愛而不當者。戲弄而引之。致其喜以爲喜。不知傷其神矣。即房幃舉動。亦當以靜爲貴也。

一體寒暄。天時冷熱不常。痘後之體。又難調攝。衣服之間稍冷。即傷榮。過煖。即傷氣。或驟寒。而不知加驟熱。而不知減。寒與煖。大人不覺。痘體受之。較常人十倍矣。有因寒而即寒熱似癰者。有因熱而即神情昏憤者。難以悉指。由不體寒暄之故也。富貴之家更什居八九。而不知過猶不及也。

一戒好潔。房中帳幃衽席。自是宜潔。至痘兒之體。自頭面及身。以至手足。任其穢則穢。任其臭則臭。究其所以。日久而穢。臭猶存者。以收斂之局未盡也。收斂未盡。精神猶在于肌表。而未還元。欲滌其穢。而反以滌其神。如之何其可也。更有可畏者。體膚柔嫩。猶脫皮脫骨。輕則皮毛若刺。重則湯氣入裏。喘急腫脹。可立而待矣。

◎痘前諸瘡宜急治論 全上

諸般瘡瘍在痘前者。務宜急治。必愈爲貴。萬一與痘相值。痘即極順。降而爲險矣。險自

可知。以痘之最惡。無如外剝。外剝必由於癢。癢則未有不癢者。痘即可免。而增爲之招。連痘亦沸然矣。或即蒼老稀疎。間痘而出者。即癢或可禁止。設或稍密。其必遠瘡四畔。攢集其窠。以瘡爲壑矣。水從下流。毒從虛發也。至痘起脹時。浮浮一片。無分瘡痘。一擦而身無完膚矣。雖有善者。何能濟其患哉。世人不諳者多。恒置而不問。有悞認瘡疔。總是一毒。反暢其發。以爲稀痘之計。不知痘後交媾慾火之毒。感於娠之先者。瘡乃成孕之後。受母腹之積熱。或生下後濕熱流火所發。與痘絕不相侔。累月經年。何能致稀一粒。亦有瘡後而果稀者。適相湊也。與瘡何與。又有無稽之言云。嬰兒體膚柔嫩。瘡藥一經滲入骨髓。發痘不出。舉世訛傳。誤人不淺。但治瘡有法。當以漸而施。先于胸腹。次日肩背。又次日四體。結末頭面。治其一緩其三。周而復始。以愈爲度。乃爲良法。否則治之太驟。柔體不勝。反致變矣。不可不知。

◎收靨吉凶論明王肯堂證治準繩

痘瘡收靨。固淨堅厚如螺靨者上也。頭穿膿出。堆聚成痂如雞矢者次也。皮破膿出痂

薄如紙者又其次也。皮爛膿潰不成痂。膿汁腥臭者斯爲下矣。如已過期。譬如瓜果熟久則爛。此造化之常。還作順者。若未及期則爲斑爛。乃逆候也。變倒靨而死。

結靨時色轉蒼蠟。一二日從口唇四邊結靨。由胸腹收至兩腿。然後脚背和額上。一齊結靨。落而愈者吉。

結靨時徧身臭爛如搭餅。臭不可近。目中無神者死。○結靨時徧身發癢。抓破無膿。皮卷如豆殼乾者死。

結靨時寒戰。手足顫掉。咬牙噤口者死。

落痂後癍痕雪白。全無血色者死。急宜補氣血。養脾胃。庶幾可活。

患痘八九日。充灌回謝。宜保全矣。然有回至項頸而死者。有回至胸前而死者。有回至臍上而死者。有回至陽物而死者。其故何歟。曰消息盈虛。自有定數。若痘證僅取其漿灌則可也。倘元氣所稟者。本是薄弱。痘兼多蔓。遂用毒物儘以發之。再投升刮之劑。盡把元氣趕上。痘雖充灌。然外囊實而內體耗盡矣。五經傷而不能幹補矣。頸上喉突氣

窩肺之關轄也。肺氣先絕。回至此則魘絆而死。胃阜心之關轄也。心脈先絕。回至此則死。臍乃脾之關轄也。脾脈先絕。至此則死。眼眶乃肝之關轄也。肝脈先絕。回至此則死。陽物乃腎之關轄也。腎脈先絕。回至此則死。本拔則枝枯。源塞則流涸。自然之道也。若語其變。風寒不知慎護。而致梟邪逼於中。飲食不知撙節。而致脾胃傷於內。肚腹腫脹。痰喘不息。於是回至各關轄而死者。亦有之也。又有一樣蠶痘。視之若似黃膿灌滿。回至胸前則死。此真魘瘧也。

◎預防方法

萬氏曰痘瘡之病。皆由父母胎毒。蓄於命門之中。命門者右腎相火也。爲人身生化之本。故毒藏焉。如遇冬令溫和。陽氣暴洩。人則感之。觸動相火。至春夏生長之時。其毒迺發。傳染相似。是謂天行疫癘也。未出痘疹者。但覺冬溫。即當預防。宜服解毒之藥。如辰砂散。三痘湯。代天宣化丸。皆可用也。頻頻與之。使痘疹之毒輕減。自然易出易收。無陷伏鬱遏留連之患。○按辰砂散三豆湯代天宣化丸。以解時行疫癘之毒則可。或因父

母精血不足者。或其人素有他疾者。或發熱之時。別臟形證發現者。並宜兼而治之。不可徒恃解毒。而竟忘其本也。如脾胃素弱者。宜以養脾爲重。解毒次之。養脾丸服三之二。解毒服三之一。如因父母奉養過厚。精血蓄毒。素多胎病者。宜二毒併解。以溯源解毒湯。代天宣化丸。相間服之。

◎三豆湯

赤小豆五錢 黑大豆五錢 新菘豆五錢 細甘草錢半

右以三豆淘洗。同甘草。用長流水煮豆熟爲度。去甘草。將豆曬乾。又入汁。再浸再晒。汁盡爲度。逐日取豆水煮。任意食之。

○代天宣化丸 即韓氏五瘟丹加減

人中黃

甘艸製屬土
甲巳年爲君

黃芩

屬金乙庚
年爲君

黃柏

屬水丙辛
年爲君

梔子仁

屬木丁壬
年爲君

川黃連

屬火戊癸
年爲君

苦

參 佐 荆芥穗 佐 防風 佐 連翹 酒洗 佐 山豆根 佐 牛蒡子

酒淘炒

紫蘇葉 佐

右十二味先視其年歲所屬。取其藥以爲君。其餘所屬歲氣者爲臣。爲君者倍之。

爲臣者半之。爲佐者如臣四分之三。於冬至日修合爲末。取雪水煮升麻和竹瀝調神麴爲丸。外用辰砂雄黃爲衣。每服竹葉湯下。肖岩按圖書集成醫部全集。痘疹門。所錄宣化丸。無紫蘇葉。方中既有荊防二味。堪資達表。似紫蘇葉不必再加。去之爲是。但此方須因人而施。按歲而治。萬不可作普通治法也。

○溯源解毒湯

當歸中 酒川芎 生地黃 枳白芍 潞黨參 香連翹

川黃連 粉甘草 鹽陳皮 小木通 各等分

右藥加淡竹葉拾片水一杯煎八分去渣服

○養脾丸

潞黨參 漂白朮 當歸中 酒川芎 煨木香 醋青皮
川黃連 鹽陳皮 鹽砂仁 山查肉 六神麴炒 炒麥芽

右爲細末。水調神麩糊丸。如麻子大。每服三五十丸。陳倉米下。

○辰砂散○一名消瘟丹。或以紫草甘草煎湯調服尤佳。未曾出痘。及臨出者。宜擇療

病日。預服此方。飛辰砂研爲細末。水飛過。過歲以下者。服五六分。一歲以上者。服一錢。絲瓜近蒂者三寸。連皮子燒。存性爲末。亦如前數。用白蜜

調下

○祕傳保嬰丹

真紫草去蘆酒洗。勿犯鐵器。纏豆籐燒灰存性。各四兩。二味爲君。升麻取新者。鹽水炒。軟防風 荊芥穗 牛蒡

子炒各二兩。四味爲君。真天竹黃 真蟾酥 真牛黃 大硃砂用麻黃紫艸。搗支殼煮過。將此湯飛研。取淨三錢。四味爲佐。

甘草稍去皮。二兩。和赤小豆 黑大豆 綠豆各四十九粒。炒。勿焦。三味爲使。右各取細末和勻。另用

紫草三兩。入水三碗。煎去渣。熬成膏半碗。入生砂糖半碗。和劑爲丸。如芡實大。另用

飛辰砂爲衣。未出痘之先。濃煎甘草湯。每服小兒磨一丸。大人二丸。如已發熱之時。

生薑湯磨服。厚蓋取汗。多者可少。少者可無。大有神效。

肖岩注纏豆籐。即黃豆。或綠豆梗上。纏繞細紅籐是也。於八月生氣日擇取。陰乾

聽用。

○稀痘丹此方每有效驗

兔絲子四兩酒煮搗餅乾

元參

一兩竹
刀切片

右二味爲細末蒸熟黑砂糖水濾清拌服

○預解痘毒方七八月間或三伏日或中秋日剪壺盧鬚如環子脚者陰乾於除夜煎湯浴小兒則可免出痘此方見唐瑤經驗方。

又方體仁彙編

五六月取絲瓜蔓上卷鬚陰乾至正月初一日子時用二兩半煎湯父母只令一人知溫浴小兒身面上下去胎毒永不出痘縱出亦少也。

又方浴兒免痘

楊拱醫方摘要

除夕黃昏時用大烏魚一尾小者二三尾煮湯浴兒遍身七竅俱到不可嫌腥以清水洗去也若不信但留一手一足不洗遇出痘時則未洗處偏多也此乃異人所傳不可輕視。

又方○家傳稀痘良方

用鮮橄欖核搗碎。生研爲末。過篩。撻入米粉白糖。蒸作餅餌。每日隨意量與小兒食之。所下多黑糞。其橄欖核末服過四兩以上者。出痘稀少。服至觔許者。永不出痘。予家小兒女前清咸同以前。多用吹鼻種法。於未種之先。先用橄欖核末作糶。頻頻食之。及出痘之日。顆粒稀少。火毒極輕。屢試屢驗。詢稀痘仙方也。宵岩敬傳

◎避忌方法

蔡維藩痘疹方論有云。正當病痘之時。謹司門戶。恐爲風寒所襲。嚴禁房事。恐爲穢氣所乘。婦人經水。庵廚煎焯。牲畜糞穢。及狐臭觸忤。一切忌之。須常燒芸檀蒼朮小棗之類。及掛胡荽。浸醋炭。以逼其氣。庶外虞之不我即也。如有犯者。當托裏散。肉桂隨意加減之。

郭子章博集稀痘方論。有避地法云。痘瘡胎中之毒氣也。鄉隣痘瘡盛發。天地之沴氣也。天地之沴氣。與胎中之毒氣。相觸而成痘。故一兒痘。百兒隨之。氣爲之也。重則俱重。

沴氣厲也。輕則俱輕。沴氣未甚厲也。時證方重而獨輕者。胎毒輕也。時證方輕而獨重者。胎毒重也。若天行不正。沴氣爲厲。兒未出痘者。可避之五六里外。氣不相觸。痘惡乎發。吾鄉都諫曾前川先生。艱於子息。晚得兒女。恐爲痘虐。一遇發。東西遁避。今其子女年四十餘。俱未出痘。然業已不復避矣。嗟夫。吉則趨。凶則避。聖人與民同患。水能溺人。沒者死焉。虎能噬人。掠者傷焉。彼土處而市居者。亡恙也。昧之者曰。是數也不可逃也。則坐以待其斃已矣。

李東垣曰。痘瘡宜避一切穢惡氣。及外人入房遠行勞汗。腋下狐臭氣。房中淫液氣。麝香臊羶氣。婦人經候諸血腥臭氣。硫黃蚊烟氣。廁缸便桶氣。誤燒頭髮氣。鷄毛魚骨氣。葱蒜韭薤氣。已上皆不可犯。須要時常燒焚乳香蒼朮黃芩甘香之氣。微襲聞臭。則榮衛氣暢。而無倒靨陷伏之患矣。

聞人氏云。如天大寒。蓋覆常宜溫暖。勿使受寒。恐毒氣爲寒所觸。而不得出也。如天大熱。不可蓋覆。却宜清涼。勿使客熱與毒相併。致增煩躁。使瘡潰爛也。如時有迅雷烈風。

暴雨之變。宜謹幃帳。添蓋覆。多燒辟穢香。以辟一時不正之氣。臥處常要無風。又要通明。切忌幽暗。夜靜不斷燈火。不離親人看守。恐要飲食。一時得具。或有癢痛。與之撫摩。恐他人未必盡心如法也。

萬氏曰。痘瘡新瘥之後。氣血未復。視之未醫。尤加調護。可也。蓋痂皮起落。肌肉新嫩。不宜洗澡。增減衣服。其表已虛。寒暑之氣。易襲也。瘡毒內作。臟腑俱傷。毒雖外散。腸胃已弱。不宜飲冷。傷飢過飽。則裏氣已虛。飲食之物。易傷也。時俗不知此理。謂之已痊。再無他變。怠玩縱弛。致生後災。一旦病生。則悔之晚矣。

翟良痘科類編釋意有云。痘瘡既出。內臟空虛。熱氣一蒸。毛孔俱開。自此以後。常避風寒。調飲食。衣服勿令其過煖。勿令其過寒。雖天氣溫熱時。亦勿令其赤體。或單衣當風取涼。雖天氣嚴寒。亦勿令其重棉疊褥。使熱氣壅遏。飲食勿過飽。勿過飢。勿食生冷。勿飲涼水。及一切雞肉。猪肉。牛肉。羊肉。魚腥。并荔枝。棗。柿。糖。蜜。酒。葱。蒜。與酢。蓋因雞肉動風。猪肉生痰。羊肉助熱。魚腥助火。牛肉生黑癥之故也。荔枝與酒。又能發癢。棗。柿。糖。蜜。

其味甘甜。引痘入眼。酢酸損齒。葱蒜泄氣。所以悉宜忌之。肖巖注此節自出痘至收靨悉宜遵之

朱純嘏曰。痘自發熱。雖未見苗。必當避風寒。忌葷物。止可與稀粥淡飯素菜而已。勿謂出痘宜如此忌葷。即外感風寒。內傷飲食。亦當忌葷。乳母俱同此例。

看痘必要紅紙作撚子。粗如小筋。蘸香油燃灼照之。自上至下。凡痘之有暈。頂之有尖。一目瞭然。若據日光而看。未免不得精詳。凡屋內點燈。俱宜香油。肖巖注或用茶油菜油亦可若白蠟燭最上。如牛油羊油之蠟燭亦不可用。

肖岩按洋油燈萬不可點。其煙煤有毒。恐由鼻吸入耳。戒用爲要。

◎推拿手法驗方新編

初發熱或爲風寒所閉。一時無表散之藥。須用推拿法。以鬆肌表。其毒自出。又或其兒素性怯弱。爲風寒所束。固不得不發。又恐表虛。用藥發表。有傷元氣。亦用推拿之法。又或其兒既服表藥。依然身無微汗。寒邪閉錮。其症不退。欲復用表散之劑。又恐過表。以損元神。亦須用推拿之法。蓋發散之藥。多能耗氣。推拿之法。不過鬆肌發竅。運動筋骸。

而已。竅開則氣通。筋運則血行。氣血通暢而邪自出。勿謂推拿之無益也。其效甚捷。故備其法。

取溫水一碗。先用大指蘸水。於兒兩鼻孔洗擦。而上推者二十四下。謂之洗井竈。再於印堂用手指分開。擦二十四下。謂之開天門。又於小兒兩手食指擦下三十六下。以瀉三關之火。又於中指擦下三十六下。以瀉心經與肝之邪。又將小指數擺。謂之烏龍擺尾。再於脈門擦下三十六下。復擦上十二下。又於掌上順運八卦。周旋擦一百二十下。然後於虎口及手足凡接骨之處。其穴有窩。於各穴窩間。用力俱捏一下。臍下丹田各捏一下。背上兩飯匙骨下。及背脊每骨節間。各捏一下。注捏即拿也。任其叫啼。令汗出而肌鬆。痘毒亦從而出矣。但推拿之後。宜令兒睡出汗。不可見風。腠理既開。恐有邪風之復入也。

肖巖按小兒初發熱二三日痘未見。須捫小兒五指梢。及中指冷。併驗耳冷。鬲冷。的是痘疹之候。乃可用此推拿法。若中指熱者。則是風寒之症。不可行。閱者注意之。

◎驚搖危症用點穴焯法

久吾聶氏曰身熱至二三日。或痘欲出而未出。或出而初見報痘一二顆。忽然驚搖大作。不必驚惶失措。惟詳審虛實寒熱而用藥。又有用藥而驚搖不止者。幼童牙關咬緊。藥不能進。予曾治此等危症。急以燈心蘸油燃灼。按其各穴。焮之。頃刻人事甦醒。牙關開合如舊。驚搖即止。今將各穴開列於後。兩手曲池各一穴。兩手虎口各一穴。兩脚三里各一穴。三里在兩脚直下外臚。在膝骨之下。正臚之外。以脚之脛骨而通算之。約有一尺長。則上三寸之下也。言三里者。謂此穴去膝蓋近也。按之正臚骨之外。去臚不遠。陷肉處即穴也。兩脚鞋帶各一穴。在兩脚直下。與脚背交接屈曲之處。世人繫鞋帶之所。故俗名鞋帶穴。按之骨縫中空是也。兩脚虎口各一穴。在脚大指與次指相近之叉處。故俗名脚虎口穴。○男從左手曲池起。以燈火焮之。隨焮左手虎口。又焮右手曲池。又隨焮右手虎口。又隨焮右手虎口。又焮左脚三里。又隨焮左脚鞋帶。又隨焮左脚虎口。又隨焮右脚三里。又隨焮右脚鞋帶。又隨焮左脚虎口。○男從左上焮。下女從右上焮。下由上而下。切不可由下而上。左右上下。共止十穴。每穴止用燈火焮一下。不

可多。焮。凡用燈心先取大白燈心一莖。長不過三四寸。蘸香油潤之。將各穴位。次用筆墨。照穴位點定。然後燃灼燈心。按穴焮之。聽火有爆聲上吉。次第如法焮之。抱定睡一個時辰。看見痘苗出現。驚搐自定。依此法治之。百發百中。若煩躁頓悶。昏沉不省人事。則不可救矣。

右焮法見聶氏驚搐分別論中。節錄之。以備一法。遇此重症可望甦生。

◎怪痘須知

○檮杌痘 ○按孫氏揭檮杌痘以垂世。而不註解其詳。迨黃石峰盡註明白。曰痘症澄膿結痂。自頭抵足。醫已脫矣。又身發火熱。舊醫益覆。重出一番痘。竦囊聚膿。痛愈加甚。服藥調護。庶免夭亡。倘飲食不節。風寒不避。邪氣感迫。囊破潰爛。肚腹漸脹。陰陽不分。死在旦夕矣。若起於頭面者。須防陋井湧泉之患。陋井。腮頰穿陋。湧泉。眼沿出漏。起於腹

背者。應防蜂螫沉石之慮。

蜂螫。遍身刺痛也。沉石。皮肉四爛也。

起於手足者。不免有螫筆之懼。起於陽

球者。宜預防脫囊之害。玉函云。天花結果慶奇全。檮杌歸門痘倒顛。不是渠塘翻

洶浪。便教關節結癰。爲父母者庶幾慎之。

○賊豆○發熱依期而出。只一二顆。其形甚大而帶漿。其色甚紅而帶潤。名曰賊豆。易長易灌。膿亦稠滿。色亦佳。倘誤認爲好痘。醫後未有不腹脹喘急而死者。蓋此痘能盜周身之氣血而盡附之。故易長易成。因名曰賊。又離衆痘而先出。若痘之頭目然。獨長獨灌獨靨。若總攬其事者。故又名痘攬頭。急用銀針挑破。令稍見血。點以鉛粉。時時常看。若長而有膿。如前法再挑再點。不防再三再四。必令不長不灌。待四五日。或七八日。周身之痘出矣。大抵惡毒專發於此。故旺而易長易成。毒既於此專發。故周身之毒皆不得泄也。按景岳謂出齊後。有獨紅赤。獨大。摸之皮軟。不得手者。爲賊痘。三日外必變成泡水。甚者變爲紫黑泡。保元湯加紫草紅花蟬蛻。或燈芯木通煎湯。調益元散。以瀉心火。與前說異。恐是水泡血泡之類耳。

○鬼痘○有四圍沸起。中心落陷。無水。猶是死肉。其形如錢。宜急攻之。若待漸變黑點。不可爲矣。此名鬼痘。九味順氣散主之。或加山查穿山甲末。外用胭脂膏塗法。證

治準繩

○痘母○三兩成叢。根脚堅硬成塊。或身上有紅腫結硬。似癰非癰者是也。六七日死。急治之。宜真人解毒湯。全上

○臭痘○先哲云臭痘不死。以其得化洩陽明之毒氣故耳。若臭而黑爛成窩者。元氣虧損。亦死之證也。患此者。須服定金湯。每診臭痘。膿血流溢者生。臭不臭癢者生。臭不延人者生。臭不抓脫者生。臭不黑爛者生。犯此者。須用芫荽艾葉。燒辟其穢氣。隨用升麻紫蘇湯。揩挹其臭處。淨潔其衣服牀被。卽服前方。無不獲全。若頂脇頸胸氣窩處。凹爛黑臭。洞見筋骨者。必死之痘也。四明俞氏用寒水丹搽之。亦可。

全上

○蛆痘○天地間有形化者。有氣化者。形化者。由於胎卵。氣化者。忽焉成形。痘之有蛆。形化氣化兼之也。近有華峯道人。隱吳山治痘。有一小兒患痘。時屆十一月感發之候。痘經正順。囊廊鼎聳。忽頭項上。惡癢難忍。手搔難禁。遂于潰破處。將銀簪挑

之。則見其蟲如絲細。而長有寸。遂以香油取盡。以花椒湯洗之。癢即止。愚按寒冬蟄令。豈有蟲乎。茲乃氣化然也。又有一患痘者。時值炎熱之際。頭項如前作癢。予視之。見其蟲如米粒。囊中或二三盤據焉。此乃蠅蚋聚齧膿血。形化然也。先哲云。蛆痘不死。以其臭毒盡發于外也。全上

○痘疔○翟良云。痘疔者。害痘之禍苗也。若七日至十二三日之間。痘瘡忽焉變動。灰白頂陷。即用紙撚照法照之。其間有紫黑。脹硬獨大而無根者。即是也。痘中有此。則不能宣發諸毒。故爾變動。以銀針挑破。用四聖散。綿胭脂水。調填入孔中。以滿爲度。其毒自散。則痘卽紅活。灌漿矣。醫後痘疔潰成坑。見筋骨者。服人參敗毒散。加穿山甲。蟬退。殭蠶。連翹。主之。若痘黑陷中心肉硬成疔者。以銀針挑破硬處。以巴痘一粒。去皮膜。硃砂一分。研爛點入。立效。痘科類編釋意

○痘疔方位所屬 痘疹經驗良方

夫疔者釘也。釘固而不能展舒也。心疔赤色。達道于額。臍胸乳之抽。肝疔紫色。達

道于左太陽。左脇眼泡兩臂阜之軸。肺疔先灰後黑。達道于右太陽。右脇頸項喉突之軸。脾疔先黃後黑。連道于腮頰中庭口角肚腹手足之軸。腎疔黑色。達道于地閣後頸耳竅背俞腰脊陽莖之軸。又有賊疔難識者。捲簾座於舌根。燕窩座于腋下。鬼眼座於耳竅。蜂蟄座於足指。虺疔座于尾閭。善觀痘者。察其患處。而急治之。可也。

○挑疔用銀針手法 全上

用銀針挑兒痘時。以二指拿針。約二韭葉寬。平平入痘。撥斷痘中筋絡。衆痘卽卽發。不可直上破頂。不可直下傷肉。不可傍穿破皮。輕重疾徐之間。有得心應手之妙。須三四五六日上漿之時。方可撥挑。過此亦無用矣。

○附煮鍼法

生甘草 甘遂 川烏 草烏等分 用水一鐘。入砂罐內煮。以水乾爲度。

每次可煮四五針。

宜用
鐵針

煮完入鵝翎管筒內。黃蠟塞口收貯。以備臨症所需。

○燈火蘸痘法 朱純嘏痘科定論

用時以大莖燈草。濕以麻油。燃灼燈火。對定穴上。一蘸是也。蘸者如蜻蜓點水。燈著穴上。一點即提起也。凡痘出五六日內。須細看背心節縫。及近節兩旁。如有礙手硬頭之痘。即用燈火打一蘸。以麻油調雄黃搽之。雖無硬頭。但節縫中間。及近節兩旁有痘。亦須各打一蘸。明日看痘退。則毒散。如未退。即再打一蘸。蓋痘出無論多少。五心上有痘。即背心及手足掌心。其毒總不能化盡。重則攻心傷生。輕則留中傷目。惟用此法以拔出之。又何患痘後遺毒壞目。及痘疔痘癰諸症乎。若痘出忽變黑陷。亦細看背心節縫。及近節兩旁。如有硬頭之痘。即用燈火連打三蘸。以知痛爲度。如不知痛。再連打三蘸。又不知痛。再打三蘸。如打至九蘸。仍不知痛。則其症已壞。不久即死。非法不靈。治遲之故耳。知痛者立見起頂成漿。見效極速。又痘疔初起。治不得法。致毒攻心。名曰走黃。斯時病人昏憤煩雜。若不即救。一二日即死。救法亦看對心第七節縫中。及近節兩旁。如有硬頭斑點。即用麻索或錢

串蘸麻油於硬頭斑點上。明火灸之。灸至病人知痛。則毒散矣。如有痲點而無硬頭。即在斑點上蘸之。亦可救。若疔初起。此處有斑點。早日用燈火各點上打蘸。其毒亦即散矣。蓋毒結則難治。散則易治。疔無論生在手足嘴眉等處。治法皆同。喻氏粵醫揭要

◎異痘形狀

○一曰遊蠶。貫珠成條。其形如蠶。身上者輕。頭面者重。重則必攻。令鬆透如一赤荳莢。其毒方起。按金鑑用歸宗陽攻之。使毒鬆痘起方可望生。

○二曰疊錢。圓圓攢簇。絕不成點。錢許之大。故名之。少見者輕。多見者重。重則必攻。亦以藥胭脂膏封貼。更和豬尾膏。大桑蟲於劑內透之。令毒如蒸餅。其毒方透。

○三曰燕窩。攢簇纍纍。有似燕窩。單見尙重。多見者不治。急攻之。務令鬆擡如餅。其毒方化。以油胭脂入化毒丹。用綿紙攤貼。更佐以豬尾膏。大桑蟲。

○四曰雁行。狀似遊蠶。但曲而甚長。單見者已重。多見者更重。攻之鬆若遊蠶。而毒

化矣。

○五日鼠跡。是痘或四五粒。或六七粒。相簇如鼠跡。無多者輕。見於周身者重。重則必攻。令相併成泡。其毒方鬆。劑內調入化毒丹。並豬尾膏。

○六日蘚沙。扁闊歪斜。無頂無盤。有細點如沙。攢簇如囊。宛似蘚沙。故名之。可以數紀者輕。徧及者重。重則必攻。務令高擡如芡實。其毒纔化而成漿。按金鑑云若細小先用鬆肌通聖散

若色紫黯者歸宗湯主之能頂起根鬆始爲佳境

○七日珠殼。有頂而平。四圍貼附一細圓。宛如珠殼。無多者輕。周身者重。重則必攻。務令圓滿綻凸。其毒乃透。

○八日鳥跡。連串三條。頭簇脚開。單見者輕。五六處者重。重則必攻。亦如遊蠶。鬆透爲準。按重則必攻當以歸宗湯爲主諒可奏功

○九日蟹爪。貫珠連串。粒細。一粒尖稍。有隱隱黑絲。如髮。與蟹爪無異。無幾者輕。繁多者重。重則必攻。其形統脹成條。而毒盡洩矣。按金鑑用清熱解毒湯治之使連貫處起脹根鬆其毒可解也

○十日蛇皮。叢簇成片。散漫無拘。形似蛇皮。見此不治。或見點之初。燈下照之。隱隱簇簇。細密無倫。將形未形之際。即便攻之。佐以豬尾膏。不使其成。庶可有爲。

○十一日履底。形似蛇皮。不若蛇皮散漫耳。隨處皆凶。其形得小。更得早圖。庶可有爲。速以豬尾骨。和入攻毒劑內。并大桑蟲透之。急以藥胭脂膏封貼。令得膿小淋漓。方慶得主。

○十二日蟻窩。較疊錢而更大也。另別其名者。其形大其毒亦重也。卽屈指無多。毒亦不少。攻之自不容己。佐以大桑蟲豬尾膏。外以藥胭脂貼之。得鬆泛平擡。方可成膿。

○十三日螺疔。其毒頭大根尖頂黑。形若螺肉。深入於肉裏。有大小。有淺深。四圍板硬。治法見於餘毒。若放點時卽見者最惡。先用針挑鬆。卽將應服之藥。大人含於口中。吮其數次。隨用貼法。貼法全上

○十四日浮萍夾斑之形色似紫背浮萍。有大有小。目視有點。手按無形。無幾便重。

繁多者不治。急宜攻毒破瘀。務令漸淡。淡而退。方得回生。必須早圖。按金鑑一名浮

飲攻之使毒鬆色
轉紅活庶可望生

○十五日環珠。是痘連串環繞。有臂因錫阻。痘即如錫而遠。有項以圈繫。痘即如圈而聚者。於臂稍輕。於項則重。因阻猶重。無因更重。不特項臂爲然。頭身亦有之。凡

見宜攻。

按金鑑云此毒氣壅滯宜早圖治以清熱
解毒湯主之使毒解漿生其患自除矣

○十六日覆釜。是痘聚於巔頂。如釜之覆。是毒叅陽位之一證也。其餘疎朗明潤者。以鬆肌通聖散。和豬尾膏。化毒丹。治之。外用藥胭脂膏搽貼。若稠密火熱者。必加大黃。令膿水腐爛。其毒方化。

○十七日蒙頭。是痘遠頭貫頂。有似兒帽。此毒叅陽位之首惡也。稠密火熱者不治。治則必攻。與覆釜同法。必早圖可救。有獨聚于天庭者。亦是蒙頭。餘若疎朗明潤。體不熱熾者。不必加大黃。

○十八日兩截。是痘上與下綿密如鋪。中段絕無一點。鼻毒擁于上下。氣血阻于中

宮。以致上下隔斷。痘之最惡者也。首尾以攻毒爲主。佐以豬尾膏地龍乾。令氣血疎達。要截處得散透點。方可挽回。此種又名斷橋。

○十九曰纏腰。腰者腎之候也。連串環繞于此。緣毒伏於腎。而有此象。貫珠之最惡者也。餘即疎朗不得視以爲美。治必以攻。得此鬆擡統成一團。如豇豆莢。方不爲害。否則痘縱可觀。九朝忽然悶亂。變焦黑而斃。

○二十曰托腮。頰下亦腎經所屬。痘瘡攢成一片。清氣爲其所阻。頭面必不能起。身更可知。痰湧氣喘。可立而待。從來不治。若見點之初。毒勢未成。以治蒙頭之法治之。亦可救援一二。速宜封貼。

○廿一日鎖口。兩口角左右一粒。較旁痘獨大。板實而無盤者是也。此毒壅于脾。而有此象。口乃脾之竅。飲食接送之門。可令毒藏此地乎。治法輕重。與覆釜一轍。有連串遠於上下唇畔亦是。

○廿二曰鎖項。項係水穀之路。呼吸出入之門。痘瘡連串環繞於此。是毒鎖咽喉。與

托腮無異。咽啞水陰。皆由此致。俱屬不救。但得放點之初。即以清金攻毒飲煎豬尾膏。杜患於將萌。容有可起。

○廿三日攢背。毒發於背。便關生死。况痘攢簇。隨地皆凶。而可令此地犯及乎。攢而得鬆者。以鬆肌透毒散。合化毒丹。豬尾膏治之。外以胭脂膏貼之。攢而更板。壯熱如火者。必攻之。須得腐爛。方慶得生。按金鑑用必勝湯治之。亦死中求活之一法耳。

○廿四日囊腹。腹近五內。猶之同室。與他處不同。一有變證。毒即入裏。捷於反掌。但此地空隙。而未得爲吉者矣。未有此聚如囊。而得無恙者也。治法與攢背同。

○廿五日攢胸。胃與腹俱迫近臟腑。攢胸猶之囊腹。調劑之法。亦與攢背同。按金鑑用涼膈攻毒飲治之。則梟毒不內侵矣。

○廿六日咽關。當喉攢簇。而犯疊錢者也。若蟻窩則尤重矣。咽與項皆水穀之路。呼吸出入之門。其毒與鎖項無異。鎖項之害。病在環繞。咽關之害。病在攢簇。治法與鎖項同。更以胭脂膏貼。

○廿七日抱膝。兩膝攢簇如餅。毒聚於此。不能達足脛。而致虧於一簣。餘地無疵。更無內證。止以鬆肌透毒散。加牛膝合化毒丹治之。煎貼胭脂膏。若更多惡象內證者必攻。

○廿八日鎖唇。唇者脾之華。脾臟安和。痘不相及。更得溫潤。否則攢聚於此。有黃熟如蠟。有嘴突如雷。有黑硬爆裂而血迸。皆毒攻於脾。象見於唇。如無他證。瀉黃散合豬尾膏治之。更壯熱如火者必攻。

○廿九日蒙靨。痘攢簇於耳後。高骨。是謂蒙靨。亦腎經伏毒之一徵也。頭面餘處皆稀。止此犯忌。以鬆肌透毒散加元參。合化毒丹豬尾膏治之。外用貼法。更稠密而烙熱者必攻。

○三十日披肩。如其肩而兜聚也。較之於背稍輕。然臟腑真氣所聚之處。卽鼠跡蘇沙尙屬可畏。而况攢布成片乎。此毒不鬆。真氣綑閉。上下阻塞。治法與攢背同。

○卅一日抱鬢。鬢接太陽。臬毒起伏於此。取驗痘症。若重鬢極稀疏。必此地掀腫如

蓮瓣。以及正面腫脹如毬。毒根方透。否則此地不脹。卽通身光壯。毒氣猶伏。厥後終敗。可令犯忌於此乎。治法與蒙骞同。

○卅二曰鱗坐。其臀攢簇如鱗也。穴屬環跳部位。又至陰之地。故發漿不過環跳者。不治。平而乾滯者。鬆肌通聖散加牛膝。板而紫滯。且熱熾者。涼膈攻毒散。減豆根。亦加牛膝。俱合化毒丹并貼法。

○卅三曰囊毬。痘得陰陽和暢。雖密無咎。陽毬乃下焦陰陽交會之所。故陰上先收者吉。取其下焦和暢也。於此若囊毬壅交會。可知上下相因。下壅則上閉。治以散結湯。化毒丹。熱熾者加大黃石膏。

○卅四曰蠶種。痘出稠密。如蠶佈種。故有是名。乃梟毒太重。凶逆之甚。速用歸宗湯攻之。使毒鬆痘起。方可望生。

○卅五曰鎖眼。面部俱稀。兩眼週圍獨稠密者。名爲鎖眼。乃毒熱熾盛傷於脾經外。宜貼胭脂膏內。宜服清熱解毒湯。

○卅六曰抱鼻。面部俱稀。獨聚鼻梁。左右密如蠶種者。名爲抱鼻。此乃毒聚脾肺。至危之證。先以胭脂膏塗於鼻上。繼用黃連解毒湯治之。

○卅七曰無根。足踝以下。屬於脾經。若週身有痘。而此地獨無。名爲無根。是毒滯於脾也。但足爲至陰之地。非建立中州。發越脾氣。不能下達。故用快斑越婢湯以發之。肖巖按若出痘稀少。毒火輕微者。又須慎思明辨。按法治之。

○卅八曰鋪紅。痘起脹時。血盡歸附。根下有紅線緊束者。乃正形也。若元氣虛弱。血不歸附。毒氣散漫。肌膚之上。根色紫黯。是氣失統攝之力。多致不救。若氣虛而痘色微赤者。以九味神功散主之。毒根紫艷者。以涼血解毒湯主之。

○卅九曰板黃。謂灌漿時。漿未半得。忽黃色突起。乾爆堅硬。蓋因臬毒肆害脾鄉。故氣滯血凝。難灌漑也。須用清毒活血湯治之。倘得痘起。尙可望生。若頭面頸項眼眶唇上及周身黃者。則不治也。

○四十曰血泡。痘當起脹時。忽有小泡夾痘而出。漸漸長成。如白果大。毒甚則紫。毒

微則赤。皆謂之血泡。此因毒熱在肺。傳於皮膚。大小不一。須內服涼血解毒湯。外用銀針刺破。流出惡血。方保無恙。若不急治。聽其自破。惡汁流染。痘亦因之赤爛矣。治者宜詳審之。

○四十一曰水泡。形大皮薄。內含一包清水。蓋因濕淫之氣。侵尅脾經。故身面俱少。手足獨密。以四肢屬脾故也。須服加味保元湯。外用銀針刺破。以胡荽酒調官粉塗患處。若遲延不治。變成癢場。則難救矣。

○四十二曰空殼。痘至行漿時。頭面周身。外雖脹而內無漿。故一名空倉。當別虛實治之。如根色淡白者。此血虛不能化毒成漿也。宜千金內托散。如根緊而紫者。此氣行血滯毒熱伏於血分而不能成漿也。宜加味四物湯治之。

肖岩按救偏瑣言。所載異痘計三十二種。復將金鑑痘疹心法中。擇其要者增補九條。俾學者細心研究。庶臨床診斷時。識症知名。按法施藥。方不至枉天生命矣。

◎驗方備用

○痘瘡神方

錢真人傳見圖書
集成醫部痘疹門

此方不論起初灌漿收靨俱用之神妙無比

正潞參

杭白芍

酒炒
各二兩

漂白朮

大元參各八錢

結雲苓五錢
鹽陳皮

粉甘艸

六神麩

秋蟬蛻各三錢

毛柴胡
山查肉各三錢
川黃連五分

各爲細末。水泛爲丸。如菘豆大。遇前證與一錢。未起者即起。已起者即灌漿。不收靨者收靨。神奇之極。毋視爲尋常也。願將此方。廣傳人世。

二花散

治痘疹已出未出。不發不起。隱在皮膚之間。熱證煎治。準繩方

綠萼梅

一兩
陰乾

露桃花

一兩
陰乾

絲瓜絡五錢

飛硃砂二錢

粉甘草一錢
去皮

右藥研爲細末。每服五分半。未痘時蜜水調下

托痘秘方 全上

兔絲子一味。醋浸一宿。焙乾爲末。發熱時。每一歲兒服七分。量兒大小加減。用好酒調服。易發易脹易靨。且後無餘證。

按此方氣血弱者。未出之先可用。既出之後不可用。用則托出太多。
露桃花散 治痘形一二日。臬紅罩錦。或色焦紫惡。口渴煩躁。睡臥不甯。不宜以藥下
之。服此方自然紅活。

露桃花

紫草片

蘇紅花

白芍藥

小木通

生地黃

白茯苓

粉甘草

陳橘皮各等分

右用白燈草煎服

按露桃花性陰而和陽。取時須待將開含笑。清晨摘取。飯窩上蒸熟。焙乾。帶蒂入藥。不宜多用。多用則恐作瀉。若不預收。多加紫草芍藥可也。

辟穢香 此方爐中燒之。能解邪穢。

茅蒼朮

生大黃

綿茵陳

右細剉紅棗肉杵爲餅陰乾待用

辟邪丹

正蒼朮

乳香

眞降香

甘松

北細辛

芸香各等分

研爲末

水泛爲丸如豆大焚之

芫荽酒 芫荽二兩 老酒四兩 同煎。勿令洩氣。放溫。或畧飲。或噴床壁。

胭脂膏 川升麻一兩 煎濃湯。去渣。用綿胭脂五張。浸湯內。揉出紅汁。蓋胭脂爲紅花所製。能活血敗毒。加雄黃末調勻。貼患處。或以原綿蘸汁。熱塗之。亦可。○此方擦痘不起。乾焦者甚妙。若遇攢簇堆聚。聚腫疔癰。不如用化毒散調油胭脂之爲妙也。

肖巖接近今胭脂。有用洋紅製成者。若無真正老式之綿胭脂。不如用紫草片。卽婦女浸油所需者。亦甚效驗。或用頂正紅花。煎濃汁。以絲棉浸成。

保元湯 潞黨參三錢 炙北芪三錢 炙甘草一錢 右用生姜一片作引煎服

九味順氣散 一名勻氣散 潞黨參三錢 漂白朮二錢 結雲苓三錢 醋青皮七分

鹽桔皮七分 香白芷一錢 台烏藥一錢 煨木香八分 炙甘草七分

托裏十補散 一名十奇散 又名十宜散 治痘疹發熱。內傷飲食。毒鬱不出。

北箭芪 太極參 苦桔梗 上肉桂 酒川芎 軟防風

香白芷 姜製樸 粉甘草 右藥分量審症酌定用水煎成調牛蒡子

末服之證治準繩加當歸

建中托裏散 治痘腹痛泄瀉 炙北耆二錢上肉桂二分潞黨參三錢杭白芍錢半

漂白朮錢半川升麻酒炒八分粉甘草炙七分水煎服

加味保元湯 治脾濕不化元氣下陷之主方

太極參 老山扁枳 漂白朮土炒 結雲苓 炙黃耆 炙甘草 黑豬苓

建澤瀉 引用生姜小片水煎湯

千金內托散 治形氣不足不能載毒出外若無見熱者是虛而兼寒宜用此方以托

之。 太極參 炙北耆 炙甘草 上肉桂 當歸中 杭白芍

川撫芎 香白芷 南山查 正川樸姜製 煨木香 軟防風

引生姜一片水煎服分兩視兒大小酌定

加味四物湯 大生地酒洗 川芎麩 杭白芍酒炒 當歸中酒洗 連翹殼

正紫草酒洗 水煎服

真人解毒湯

忍冬花一兩

甘草節五錢

軟防風一錢

荆芥穗一錢

小木通錢半

香連翹三錢

水酒各半煎服

豬尾膏

割小雄豬尾尖。提起兩耳。滴血二三十點。和冰片少許。兒大者五六厘。小者三四厘。研細。調於煎劑內服。或白湯和服。○此治痘細如麻芥。實而不鬆。黯而不活。諸般惡形惡色惡症。累日不起者。

益元散

原滑石水飛六兩。甘草二兩。飛辰砂五錢。共研末。燈芯湯調服。○此治痘出炎天。

煩渴不寧。或熱熾紫艷。心胃煩悶者。

加減消毒飲

治毒未發越。而熱在裏者。宜用之。

川升麻三分

牛蒡子一錢

山豆根一錢

紫草片一錢

香連翹二錢

細生地三錢

赤芍藥一錢

川黃連一錢

粉甘草五分

引燈芯煎服

四聖膏

新綠豆四十粒 豌豆四十九粒 俱燒存性 珍珠一分 淨頭髮燒灰一分 共爲細末 以綿胭脂水調和成膏 將銀針撥開瘡頭 以此搽之 加上冰片少許亦可。

瀉黃散

眞犀角五分 川黃連八分 小生地一錢 醋青皮五分 小木通八分 生石膏一錢 荆芥穗五分 粉丹皮八分 牛蒡子一錢 莊大黃一錢 蘇紅花五分 紫地丁一錢 加燈芯煎服

鬆肌通聖散 ○治腠理阻窒 血凝氣滯 窠粒隱隱於肌肉之間 痘色乾紅晦滯 神情悶悶者。

荆芥穗五分 酒羌活一錢 牛蒡子一錢炒 軟防風一錢 紫草片一錢 蘇紅花一錢 醋青皮八分 當歸中錢半 杭赤芍錢半 紫地丁一錢 露蜂房三分 山查肉一錢 小木通一錢 引用蘆筍芫荽煎服

清金攻毒飲 ○治痘毒壅於肺 聲音不清 喉間痛楚 煩渴壯熱 痘不起者。

牛蒡子錢半炒研 粉甘草五分 苦桔梗錢半 大元參一錢 鹽枳殼八分 直殭蠶炒一錢

香前胡一錢 荊芥穗八分 大黃一錢 查肉一錢 蟬退五分 山豆根五分 引加燈心煎服

翟氏瀉黃散 ○治脾家伏火。唇口痘先黃熟。或乾燥腫裂者。痘色紅紫。加紫草片小生地。咽痛加桔梗牛蒡。便秘加大黃。頂平加穿山甲。按此方不惟痘色紅紫血熱氣盛。而唇口腫裂者宜之。即痘色淡白。胃中虛火上炎。以致唇口腫裂者。亦宜之。蓋急則治標。故必先清而後可補。不然。咽喉閉塞。則難爲矣。

藿香葉一錢 煨石膏二錢或三五錢 軟防風錢半 黑梔一錢二分 粉甘草八分 水煎服

四聖散 治痘疹出不快及倒靨

正紫草 小木通 綠枳殼麩煨 生黃耆各等分 右散每服二錢水煎

清毒活血湯 治痘不如期灌漿。若板硬乾黃。或灰滯紫黯。乾枯。此皆毒火傷其氣血。而漿不行也。俱以是方爲主。若形氣壯實者。當減去參耆。便秘加大黃。臨時酌用可也。

眞紫草

當歸中

杭白芍酒炒

生地黃

太極參老山

生黃耆

香連翹

小木通

牛蒡子

南查肉

苦桔梗

川黃連

枯黃芩

引加燈芯水煎服

必勝湯 治痘當起脹之時。若色艷紅紫滯。而不起脹。板硬平塌而不綻鬆。更見陽熱

煩躁。便閉悶亂等證者。此毒火錮滯氣血不能領載其毒外出也。宜此方或歸宗主之。庶或逆中求生也。

莊大黃

荆芥穗

杭赤芍

生青皮

生地黃

山查肉

小木通

牛蒡子

光桃仁

紫地丁

蟬退身

粉葛根

蘇紅花

地龍乾

引用蘆根水煎服

歸宗湯 治發熱之初。形實無表症。毒火又盛。法當攻之。所以用歸宗湯者。因其以大

黃爲主也。而佐使以生地赤芍山查青皮木通荆芥牛蒡也。痘未見點。如壯熱不已者。毒火熾盛也。爪甲色紫者。血熱凝滯也。四肢厥冷同陽症見者。熱深厥深也。

惡熱者。內熱盛也。頭汗出者。胃熱上蒸也。通身蒸蒸汗出者。毒火內迫津液也。二便閉者。腸胃熱結也。譫語者。胃熱也。煩躁狂亂者。毒火擾心神也。大渴引飲者。毒火灼津液也。唇口焦裂。舌生芒刺者。毒火胃熱並盛也。失血者。如口中失血。小便溺血。皆緣火毒迫血妄行也。其腰痛不尋常者。毒攻腎位也。以上諸症。非險則逆。若見之。急用此方。峻攻火毒。庶可挽回。少有逡巡瞻顧。則無及矣。

莊大黃

生地黃

赤芍藥

山查肉

生青皮

小木通

荆芥穗

牛蒡子炒

右藥引加燈心水煎服

涼血解毒湯

治結痂之後。當落不落者。現證乾燥不潤。根色紅艷。渴欲飲冷。煩急不甯。此毒熱鬱于血分故也。用此方。則熱清而痂自落矣。

當歸中

生地黃

眞紫草

粉丹皮

蘇紅花

香連翹去心

香白芷

川黃連

苦桔梗

生甘草

引加燈心水煎服

快斑越婢湯

治毒滯脾經不能上達出外

炙北蒼 小桂枝 軟防風 杭白芍炒 生甘草 引用生薑紅棗水煎服

黃連解毒加味湯 治痘當落痂之後。其癍或紫或焦或黑。現症通身壯熱。煩渴不甯。皆因灌漿時。漿未充足。毒未盡化故也。均宜以此方主之。

川黃連 黃枯苓 山梔子 川染栢 粉丹皮 生地黃

金銀花 連翹殼 引用燈心水煎服

清熱解毒湯 專治在外毒火熾盛之證 荊芥穗 小木通 牛蒡子炒

生地黃 生青皮 山查肉 粉丹皮 蘇紅花 秋蟬蛻

香前胡 紫地丁 川黃連 飛滑石 引燈心水煎服

清金攻毒飲 專治關咽鎖項之主方 牛蒡子炒 苦桔梗 粉甘草

大元參 煨枳殼 炒僵蠶 香前胡 荊芥穗 莊大黃

山查肉 秋蟬蛻 山豆根 引加燈心水煎服

化毒湯 治小兒痘瘡已出未出煎宜服之 正紫草 川升麻 粉甘草各等分

青巖按王海藏云。出不快者。化毒湯。本事方用糯米去麩米。以扶胃氣也。透肌湯。又加白芍一味。丹溪治痘不透。食稍進。汗微出。熱略減。用化毒湯原方。加白朮陳皮芍藥三味。足見昔賢對症用藥之妙法。學者宜詳審之。

消毒散 一名化毒丹 治痘已出。或已出未能勻遍之主方。

牛蒡子炒三兩 炙甘草五錢 荆芥穗二錢半

右共研爲粗末。每服三錢。水盞半煎七分。去渣服。王海藏云。此藥皆溫平之劑也。鬱金散 龐安常治痘始有白泡。忽搐入腹。漸作紫黑色。無膿。日夜叫煩亂者。

川鬱金一枚 生甘草一分 清水一杯煮乾。去甘草。切片焙乾爲細末。入上冰片五

分同研。以一錢匕。用生豬尾血五七滴。新汲水調上。不過二服。甚者毒氣從手足心出。如癰狀乃差。此是五死一生候也。

橄欖飲 治痘倒靨。幼科準繩 用鮮橄欖從中截斷。水磨少許。服之立發。

南金散 全上 治痘已出而復陷。其勢甚危。諸藥不效者。萬無一失。

紫背荷葉霜後搭水 白殭蠶洗去絲 右爲末等分。每服看兒童大小。大者一錢。小者

五分用研莖萎汁和酒下或水調亦可。○肖岩按此方紫背荷葉臨時有不易採取。如紫背者難尋。可以紫背浮萍代之。觀黃坤載治瘡疹喜用。故變通之。
滋陰三寶散經驗良方

當歸中錢半 小生地二錢 杭白芍錢半 酒川芎一錢 生綿著二錢 白茯苓二錢

舊桔紅八分 軟防風八分 大元參三錢 麥門冬三錢 粉甘草七分
四製白朮散全上

白朮八兩。分作四份。一份砂仁炒。一份糯米炒。一份麩皮炒。一份黃土炒。篩淨
白朮。研爲細末。量其大小。用酒調服。若是嬰兒。以人乳調服爲是。

四珍膏 全上 潞黨參一兩淨 白蜜四兩 人乳汁一杯 鮮梨汁一杯

右四味同熬爲膏加製紫河車酒服兩匙

衛元湯 潞黨參 漂白朮 製全蠍 當歸中 陳桔紅 綠枳殼

烏梅肉 右薑棗煎加乳服一方有蒼朮茯苓

內托至奇湯 天門冬 麥門冬 潞黨參 漂白朮 當歸中 酒川芎

白茯苓 薏苡仁 陳桔皮 苦桔梗 銀杏仁 粉甘草各等分

右藥水煎頻服之

茯神湯 抱木神八分 大生地一錢 當歸中一錢 杭白芍八分 遠志肉八分 苦桔梗八分

粉甘草六分 右加燈草七條 生薑一片煎服

野仙獨聖散 炒側柏 大元參 黑地榆 血見愁 杭白芍

當歸身各一錢 生地黃二錢 小木通八分 粉甘草 北乾薑各五分

加減參苓白朮散 潞黨參 結茯苓 懷山藥 白扁豆 漂白朮

陳橘皮 建蓮肉 薏苡仁 當歸中 軟防風 鹽枳實

右判爲散隨宜加減

固真湯 炙黃耆三錢 酸棗仁三錢 潞黨參三錢 杭白芍二錢 當歸中二錢 生地黃二錢

結雲苓二錢 炙甘草七分 陳桔皮一錢 右改咀生薑一片煎服一方加粟米一錢

奪命散 治痘疹已發未發並宜服之 小升麻 淨糯米 正紫草 粉甘草各半兩

小木通二錢半 右剉爲散每服一錢水七分煎四分去渣溫服

十味地黃湯 熟地黃九製 懷山藥 山萸肉 白茯苓 粉丹皮

建澤瀉 上玉桂 淡附子 大元參 杭白芍

奪命五毒丹全上 治痘黑陷倒靨乾枯不起者神驗

真牛黃二分 蟾酥三厘 飛辰砂一錢 雄黃三分 上冰片二分 右五味用積豬尾血爲丸如麻子大薄荷湯下一丸移時活動

秘傳茶葉方全上

痘爛遍身無皮膿血流出粘粘衣被茶葉要多揀去粗梗入開水一漂卽撈起再揀去梗濕鋪床上用草紙隔一層令兒睡上一夜則膿皆乾

拔毒膏一名必勝膏治痘毒發腫 馬齒莧鮮杵汁 豬膏脂 生蜂蜜

右三味共熬爲膏待冷塗腫處

痘瘡生蛆方 李樓奇方

用嫩柳葉鋪席上臥之其蛆盡出而愈。

痘瘡濕爛方 本草綱目

用黑大豆研末傅立效

痘瘡作癢方 全幼心鑑

用蟬蛻三七枚炙甘草一錢水煎服之

痘後癰毒方 本草綱目

赤小豆研末以雞子白調勻塗之

防痘入目方 全上

用菘豆七粒令兒自投井中頻視七遍乃還。

又方治痘入目

紫貝一箇即研螺也生研細末用羊肝切片搽上紮定米泔煮熟碗盛露一夜空心嚼食之。嬰童百問

又方 胭脂嚼汁點眼胞 集簡方

痘瘡入目生翳用兔屎曬乾爲末每服一錢用茶調服即安。 普濟方

又錢氏用蟬退身爲末每服一錢羊肝煎湯下日二服。

又方直指方 用白菊花穀精草菘豆皮等分爲末每用一錢以乾柿餅一枚米泔一盞

同煮候泔盡食柿日食三枚淺者五六日遠者半月見效。

合春正記印送壹千部

楊伯卿君印送伍百部

王會泉君印送伍百部

何清秀君印送伍百部

蔡長團君印送壹百部

飲井山人印送伍百部